

列女傳

禮內則一篇於爲女爲婦爲母之道載之綦詳誠以閨房爲萬化之原不可不慎也夫男正位於外女正位於內女教修而後家可齊國可治此不易之理也漢劉更生纂列女傳區分七類兼綜四德其載入傳中者皆合禮經之旨蓋可爲人女即可爲人婦亦可爲人母焉閩清古風淳樸代產名媛德容工言各具淑德其懷貞殉節者又多見於閩里之中亦以見禮教之未衰也爰亟登之以勵薄俗纂列女傳

明 余氏古田余鑰女也適邑人孫珙年十八卽得奇病氏奉侍湯藥始

終不怠有子師堯甫在襁褓珙嘗謂氏曰卽不諱若善視孤兒毋殄我宗祀氏立誓孀守撫孤歷四十六載嘉靖癸卯有司上其事詔表其閭

清

程氏陳文顯妻生平寡言語謹嘖笑早歲偕夫肇迹樟峰常早興晏寢共斬荆棘執務勤劬不辭繁劇樟峰陳氏之開基業而裕後昆者半賴其勤慎相夫之力也

詹氏名田姊陳子珍之繼室也耿精忠之亂閩督范承謨被拘氏值流寇至不爲所屈甘受刺死所謂盡節之婦矣

朱氏名維良懷遠令朱慕津孫女幼聰穎習書史過目成誦博觀列

女傳通曉古今年二十歸邑人詹廷璉能執婦道孝養翁姑未敢
以才自炫姑陳氏極愛重之雖其女紅姿貌超出儕輩而節儉自
持親理家政一切米鹽瑣屑不煩於夫時人比之桓少君云
詹氏名淑琰詹賡陳之妹生員黃菊開之妻也年方及笄母黃氏病
篤琰割股奉母母病尋愈

張氏邑六都名醫黃祖嘉妻嘉聘後年十九得瘵疾數年未愈遣媒
請期張父母以嘉貧且病恐其死不允其請張氏聞之泣告曰不
嫁兒彼死兒不獨生速嫁兒爲侍湯藥或得偕活父母知其志不
移許之嫁後事夫甚勤氏出汲及主饋則懸銅器於床囑嘉敲之
以代呼喚嘉亦善調攝由是病漸愈而精於醫矣張氏多力能以

織脚之婦轉磨如飛椎髻作苦歷四十餘年佐夫購腴田建華屋
積產累萬嘉年六十有一卒張氏謂其子婦及孫婦輩曰吾今不
哭而翁吾之眼淚已於四十年前罄之矣而翁以瀕死之身竟得
壽終有子四有孫十六有薄產有微名天之待而翁厚矣吾復何
悲卒年六十有六

陳氏劉章夏妻夏貧而病瘵久臥床蓐氏奉侍無倦尤勤紡織夏不
爲貧病所困者皆氏力也

林氏邑武庠許彪妻幼有慧質嘗於女紅之暇以螺曆粘貼壁間成
花一樹自題云妾身素性却憐花螺曆妝成一樹葩縱教暴雨難
欺我即使嚴霜不怕他及病瀕危同懷兄弟未至問候氏扶病口

占云今年七十七諸戚都哀戚惟有親骨肉三人不相識是亦女中之工於詩者

黃氏劉文廷妻秉性恬靜順舅姑善妯娌終其身無忤容族黨以婦德無慚目之

王氏邑六都玉阪劉孟亨妻孟祖與父皆膠庠中人有時望孟少業儒氏歸孟粧奩甚足孟好游蕩嗜鴉片懼父嚴閨中物被其典質一空氏無怨言惟婉諫之孟弗改父怒逐之出氏歸寧假簪珥於鄰婦比返舍孟乘昏夜歸恐父覺天未明即去氏晨起則簪珥空矣氏無以還鄰婦以情告願縫紵得值償之自是父防範益嚴孟不得入室餓瀕死屋後有牆牆有竇盈寸孟從竇外呼氏氏主饋

竊飯粥以湯匙飼之日三次如是者一年有奇後父外出課讀孟遂得歸及病氏割股和藥以進死貧無以殮氏號泣於夫之兄弟前曰渠既死願念手足情厚殮之孟之兄弟感其言從之氏真不愧賢婦矣

陳氏名品官幼聰慧不好嬉戲母曹氏爲會城儒家女通書史氏生六歲即課以女誡諸書一字不遺且知講解稍長更嗜書卷鍼黹之暇手不停披年十七歸邑武庠劉懿琮家甚貧然事舅姑能得其歡心琮業商所得菽水之費無幾氏粗衣糲飯必謀甘旨以奉堂上育子三雖愛憐備至而遇少有過失則督責不少貸嘗誡其子訓嘉等曰激烈足以釀禍和平足以保身天下極不平事以平

心處之未有過不去者吾從汝父久每以此言相勸今汝父幸得令終爾等勉之後其子訓嘉卒成通儒不可謂非得力於母訓也鄭氏邑四都儒士涂燦貴妻端莊貞靜時鄰舍賭風甚熾鄉人溺者多焉氏常勸其夫挈遷他所以家貧莫遂其願平時教督子女勞愛得中所言多有識見不類巾幗中人且頗知詩如過烈女坪詩

坪在麟洞村烈女黃春姐殉節處

烈節高風一代光祇餘遺址弔斜陽秋蟲似爲

貞魂訴唧唧酸聲更斷腸亦佳作也

黃氏劉長翹妻年二十四時翹病危甚氏顛天乞代割臂肉和藥以進病尋愈氏逾月卒殮時臂創尙未療亦賢矣哉

劉氏邑廩生詹仕璋之妻中年孀守課子維嚴持家務勤儉男女婚

嫁必衷於禮母德良可嘉焉

張氏邑庠劉懿辰妻性和順善事翁姑和睦妯娌夫死家無遺產子訓瑤幼氏不忍書香中斷使就外傳勤則喜惰則戚十餘年茹苦含辛不墜初志其子瑤克成母志有聲庠序中氏精於女紅以五色碎布縫製石榴楊桃等類爲小兒文褓及涎套背心諸物燦然可觀遠近婦女就學其製而無所吝至今遺物尙有爲人所珍藏者婦德婦工可謂兼而有之矣

許氏名珠香閩清六都名孝廉黃嵩元繼室于歸後一年產子而嫡出之子歲已及三猶乳哺之愛如珠玉莫知其非己出焉性沈靜勤儉深明大義其事翁姑也其相夫子也其教子孫也其待妯娌

也其御臧獲也其禮先生也其恤貧乏也罔不各盡其道且一生口無惡言故子盡成名孫登仕版一門雍盛想見其母教之善焉卒年七十有七

池氏邑人劉善位妻夫歿氏方中年家畧有遺業氏矢勤矢儉寒暑只一布裙雖午夜機聲猶軋軋然長子訓圖年十五使治農業次子訓伊年纔九歲使治經史一耕一讀督之彌嚴至夫姪孫保恭保勤等均少孤氏撫育照料無所不至其篤於親誼又如此氏喪夫時家無成人凡吉慶喪葬之事由其手理者不下二十次莫不井井有條里黨稱之

余氏名貞貴十七都吳守忠妻時流寇四起守忠爲賊所劫氏以弱

質芳姿懼難自保乃錐目剗耳賊見狀相引去

鄭氏詹允哲妻于歸五載卽孀守孤闈家無擔石惟紡績以供衣食上事老姑下撫幼子年九十三而卒順治中坊表

劉艾姐一名艾甫儒士錢學甫妻順治二年氏二十四歲學甫死未育子嗣未幾叔孀亦寡有子未週孀欲改適氏遂撫爲己子保護成立孝奉姑孀卒年七十有二

陳氏庠生石麟女適詹宜之遭賊變宜之爲其所害氏以計脫得潔身時年二十有六立志苦守五十年如一日

洪庚姐生員毛焯妻苦節孀守卒年七十

萬氏黃爾周妻順治間山寇肆掠氏偕幼子被劫至月洲罵賊不屈

與幼子俱遇害

曾氏名淑貞國子監許步雲妻二十六歲孀守姑早逝翁在堂晨昏服事維謹育子二長登捷次登魁鄉飲耆賓素孚鄉望均資賢母訓也迄今子孫蕃衍縣前許氏賢祠一帶聚族而居者皆其嫡派也卒年六十有二

孫理姑胞兄毅庵死嫂氏孀守理姑哀痛其兄誓不爲婚同嫂寡居五十餘年協力撫孤以延宗祀合族至今祭享葬二十一都平洋毅庵妻名氏無考

吳氏邑人適永福諸生林若采采歿氏年二十四事翁姑克孝及歿喪葬盡禮撫孤成立歷五十九載乃卒

閩清縣志

卷八

列女傳

六

周氏名淑耀幼通書史適邑儒士劉夢熊早寡事姑克孝撫有三孤晝則紡績夜則課讀今皆成立子本沛肇沛俱先後遊庠食餼康熙六十一年奉旨坊表入節孝祠子本沛肇沛用價銀四十兩買民田九畝零充入本祠爲祀田毘陵沈鍾詩天地有正氣首在敦彝倫臣忠與婦節千古常不泯梅水清且駛巾幗多完人緬維劉母賢早歲諧朱陳豈意中道乖連理遭遘迤貞操勵冰雪勁節凌松筠所重全志節何敢怨艱辛歲寒歷已盡大造回洪鈞翩翩膝下兒栩栩席上珍九重沛雨露一朝下恩綸特賜坊與祠照耀梅水濱奕葉垂不朽俎豆長如新

吳氏名善使年十八適生員葉有苾甫五月有苾故氏誓不獨生父母妯娌百計隄防卒於次日自經夫側顏色如生觀者無不稱歎

陳氏適許世偉不數年而偉歿時氏有遺腹九月未育仰天泣曰許氏累世忠厚天若不絕而嗣則男也既而果得一男乃立志撫孤

成立子廷馥於康熙五十二年援例入太學

吳氏名罕姐邑人程孟達妻夫病鬻衣簪以代藥餌及歿氏年二十遺子甫七月立志苦守康熙二十三年知縣季麒光給匾旌其門吳煥姐八都洋裡人夫林臣輝身故吳年纔十九遺腹數月見後園柚樹一株花盛開吳對妯娌指柚樹而言曰吾未知得嘗此柚否越秋末其遺腹男不育吳遂決志殉夫仍復從容就義奠拜訣訖縊於夫之靈柩前邑令鮑耀祖以芳烈可嘉獎之其烈骨香肌淺埋在本鄉雲頭壠荒蕪三十餘年雍正二年生員王信敏在其地設帳稔知吳節捐館金八兩砌造墳墓豎牌祭奠與其族人擇嗣以承其後

知縣姚循義詩林園三月柚花香婆婦低徊柚樹旁遺孤忽死心亦死柚花未實吳先亡冰肌玉質葬何秋

閩清縣志

卷八

列女傳

七

風埋在八都洋杜鵑啼盡空山血年復一年墓草荒淺土無人澆麥飯清明寒食徒淒涼何意王生發長嘆頓捐館穀爲周章募夫負土築高壟樹碑立嗣人稱揚氏烈生賢兩不朽山青水碧同流芳安得民風盡如此吾梅厚俗成陶唐

王氏字蒙姑二十二都曾士胤之妻年二十四歲士胤身故家貧孀守矢志撫孤積資營葬翁姑夫柩年八十六卒

錢氏陳以馨妻夫早歿貧撫一子苦守孀闈日惟茹荼食苦無一怨言云

許氏邑庠生陳研妻夫死堅貞自守孝養翁姑篝燈課子撫養辛勞長洪謨克承先業次惟幾身列膠庠皆賴賢母訓也乾隆二十二年邑令漆題奉建坊

溫氏名淑使陳華賜妻年二十五歲喪夫遺孤二長甫四歲次始誕

氏耐貧守寡勤紡績撫孤成立及長尤嚴教誨有歐母風卒年七十有四延平教授邑歲貢劉鳳翔贊彼溫氏曰孀于陳行年廿五鸞鏡生塵璋方載弄璞又抱真鞠育孤苦備歷艱辛我懷賢母淑慎宜人貞操勁節千載如新

蓮姑者三都許氏女也秉性柔順孝養父母女紅之暇則手執列女傳不釋少許字劉道然髫齡苦讀有文名年十八病瘵女聞信憂甚未幾道然卒訃至許家父母戒家人語勿洩女廉得其實泣告父母曰兒夫之死兒已知之今不願生也願父母勿以兒爲念因乞歸殉夫父母不許女又泣告曰兒志已決不令歸亦當死也語畢以頭觸柱父母不得已許之女旋入室理髻出辭父母及其兄弟洒淚登輿哀怨萬狀輿至夫家家人倉卒不知所爲女出請見

舅姑禮畢去簪飾更素服入視夫殯此時肝斷腸裂哽咽無聲撫尸一號淚乾血出室中觀者蓋無不淚下也時有勸以立孤者女曰爲夫立嗣舅姑所命他日夫弟成人當不令夫無嗣也或勸之食曰不饑或勸之飲曰不渴有以舅姑之命告亦惟以水漱口而已如是者六日舅姑與其父母謀曰從之固死不從亦死不如從之以盡其節遂於人日潔治中堂設一臺高五尺許及日將午女出拜舅姑與其夫柩又拜辭於其父母兄弟從容登臺南向就縊面色如生經日不改邑侯王文瑜親自作文祭之朝廷嘉其節旌曰未婚烈節嗟呼古之烈節或磨笄刺頸或沉淵殞身類以一時激烈慷慨就義若蓮姑者勇於立節百折不回而自始至終從容

不迫雖曰天性蓋亦所得於女訓者深矣邑侯王隨文瑜存蘭夫
照蒼一德銀漢落虞雙世歌梅玉生成清潔且松筠梅骨裏青笄而纓留女古道蓮節烈
父若姓許抱許沈字劉女郎潛小字之澤神劉已冠維女疆及圍墨洽年未月在室未結日劉
家死人魄語膏勿洩一豈疾不可早窺十九微容止偏如常折心忤音憒匿勤防長女跪知啓相爺戒
娘重今且難滅兒願辭兒膝下失殉所劉郎自量生難長獨與爺極別親生兒不鍾可愛忘須女諒貞
上兒劉之家堂靡手他撫夫已屍腸父寸母裂眼思中無有奈淚何聽得流遂萬斛兒哀心悅但素鳴車咽直
願郎泉路姑立聞此與郎腸斷前心飈後餽親眷來此未言得汗流衾驚睽後堂猶前能
奉巾櫛舅姑聞此與郎腸斷前心飈後餽親眷來此未言得汗流衾驚睽後堂猶前能
齊致辭謂汝生兒乃可拙以縱然夫後何如養孤未繼何功不雙奇絕守何甘必冰
藥夫還弟生兒乃可拙以縱然夫後何如養孤未繼何功不雙奇絕守何甘必冰
捐身軀乃謂閨中傑無千番勸古來死不易立慷慨人前似當語前我永今弱
質歲月長中途安保無蹉跌古來死不易立慷慨人前似當語前我永今弱
我恨填石愈仰腸碎徽不旁敢人褻安請詹知我日與良辰七言空新春數莫中莢聽
罷各歛歎愈仰腸碎徽不旁敢人褻安請詹知我日與良辰七言空新春數莫中莢聽

閩清縣志 卷八 列女傳 九

紅日正中帕自醴牢何堂從上容珍重不帷色裙顏視如死甘挹如餽我乾坤上正衣
脫我手巾骨疑雪鬱如堵冬嶺松不銜皎兮垂清秋月塚與合兮鴛鴦與魂
氣疑冰兮蝶女賢而烈行客過水梅亦盛時竭烈女傳貞名頰長不呼滅寄聲水清且
雙梅兮蝶女賢而烈行客過水梅亦盛時竭烈女傳貞名頰長不呼滅寄聲水清且
投縵女郎所記天取烈腸冰比潔節勁節取石梅同堅魂繞冬青樹名未傳寡閨中秀
年彤管貞魂貫斗牛丈夫篇又詩云兒女足明大義不在共溪水凋浩氣
昭彤管貞魂貫斗牛丈夫篇又詩云兒女足明大義不在共溪水凋浩氣
永共流又坊聯云一縵心了却
青春事終古懸將白雪心却

許氏故儒士黃家梅妻性明慧年二十歸黃門翁早卒事姑以孝聞
家梅家貧力學積勞成病不數歲而歿遺孤二氏痛夫志未售家
道未立也使長子達三治家計次子聘三從師會城無何達三卒
遺孫成金尙幼氏又躬撫養之俾至成立居嘗語家人曰吾命蹇

爲黃氏婦四十年茹苦含辛實望子孫成名光大黃氏門閥耳乾隆間聘三以選拔貢京師遂舉其母大節以聞奉旨旌獎節孝卒年七十有九孫登鯨成道光丙戌進士榜眼江德量詩飲藥復茹鵠五夜聽啼烏大節輝金管清心映玉壺幽光今已發丹詔下皇都又探花程昌期詩泰嶽宗風遠梅溪闔範垂子爲天下士母是女中師純德邦人仰貞心聖主知生平辛苦節端在柏舟詩

林氏生員曾興踞妻孝廉林士秀胞妹也氏年二十一歸於曾二十六夫故氏堅守撫孤舅歿姑病瘋臥床褥不起者一十三年皆氏隻身奉侍毫無厭倦尤人所難乾隆二年奉旨建坊旌表節孝吳氏儒士詹子愷妻進士吳浣安姊也年十八于歸甫三歲而夫歿氏幾死者再念及祖姑年逾八旬一子尙在襁褓立志堅守家極

閩清縣志

卷八

列女傳

十

貧惟恃紡績餬口以媳代子以母兼父歷四十餘年無異乾隆三年奉旨坊表

陳氏名谷使適儒童林璧萬于歸甫兩載璧萬故遺孤尙未逾月氏守志不二既隻身以營舅喪復十年以侍姑病及子歿又撫孫承正成立廁名鬢宮上下四世皆氏一人力也乾隆四年奉旨坊表節孝

姚氏名淑品年十九歸生員陳志銳二十六而夫故遺子一甫七齡氏念上有祖母舅姑兩世三老待其奉養下有孤雛四代一脈待其撫字強起苦守克成其志乾隆四年奉旨坊表進士丁又顯詩永矢柏舟志顯芳

型千古垂冰霜重梓里孝節達彤墀女史推賢範金閨奉母儀名門誇舜裔鳳誥下瑤池

周氏名靜一年十九適儒士姚榮二十七夫故氏以一身上奉八旬二老下撫幼稚兩孤克孝克慈壽八十三孫曾滿前乾隆四年奉旨旌表給帑建坊

傅氏名蘭青邑黃君士妻年十八卽孀守並未生育撫一子以承夫嗣上事翁姑備極孝敬及歿殯葬盡禮年逾八旬白首如一乾隆二年邑令孫國柱旌表節孝

葉氏名坤使一名申使邑中街舖鄭宗生妻也年十八于歸甫半載卽失所天遺腹纔兩月殯後矢志相殉周親勸解已而育一男曰天不絕吾夫嗣吾當奉姑以撫此子家無斗筲弗計也苦守三十餘年凡尺布斗粟悉從雙腕寸梭而出經營慘淡備歷艱辛尤人

閩清縣志

卷八

列女傳

十一

所難焉

林氏名惠挺年十八適武生羅大綱孝奉翁姑克盡婦道甫三載大綱病篤氏祈天請代典衣飾延醫調治及死銜哀絕食親視棺殮卽於次日從容自縊生員林上煥詩月明蕙帳晚風淒寂寂啼聲斷冷閨多少牽情渾不顧冰魂長伴古梅溪盧氏名端冰儒士林夢陽妻年二十六夢陽死遺子三長六歲次四歲三甫在抱家徒四壁氏變賣衣服簪珥作紡績資日惟兩粥米麥相半備極艱辛撫子成立年六十餘邑令張兆鳳憐其苦節給匾旌之邑訓導丁奇琨詩貞心自昔稱姜氏萬載芳名垂四始掀天揭地大丈夫房帷巾櫛無他技慷慨血烈徒一往從容就義非易視二十六歲殞厥天矢志靡他惟有死不忍膝下三孤雛四壁蕭然水相似常時自謂未亡人織紡緘有勤自理躬三課督讀兼耕有子甄陶家湛母差足擬當今節孝甚欽崇弗惜罄簪珥清徽豈但埒盧陶家湛母差足擬當今節孝甚欽崇弗惜罄簪珥

膺褒祀胡不見燕門重獎
至今傳爰撫其實豈溢美

黃氏邑六都玉阪故儒士劉知理妻年二十九夫亡遺子三人苦心
鞠育均獲成立且孝事翁姑和睦妯娌族黨稱之光緒間秦學憲
綬章旌以節同松柏卒年七十有四

王氏鄭宣旗妻年二十八宣死立志撫孤茹荼飲蘖子獲成立年七
十餘卒邑令孫國柱給匾以旌

劉氏邑人陳龍魁未婚妻也年十九聞魁死卽親往守節孝事老姑
撫育嗣子年七十有五卒邑令彭俊奇給匾旌其門

林氏邑儒士杜子統妻內翰林某之妹也子統以篤學成疾青年而
殞氏甫二十四歲守節撫孤里人重其貞操

閩清縣志

卷八

列女傳

十二

劉氏儒士盧可坦妻坦死氏年二十四孀居四十八載卒年七十二
劉氏邑人張爾起妻年二十三歲爾起病卒遺孤世綱氏撫之成立
苦節終身

孫氏名徽音生員孫苞之女毛于岐妻結褵未久于岐歿氏年二十
五誓不獨生因姑病篤且夫柩未殯勉強終喪服闋爲夫營葬畢
不改初志從容就義時乾隆四年十一月也宗族僉呈儒學牒縣
給匾旌之

陳氏名璫姑黃允文妻也允文病故氏竭力殯殮後因逼嫁先將女
孩二歲赴於火曰此女留之將來不知如何不如赴火以全夫名
遂刎死於柩旁教諭林弼親臨祭奠給匾以旌

劉氏年二十二歲因夫毛右公病故孀居苦節事姑至孝課男渭水勤讀有聲膠庠至七十歲卒

羅氏名鰲姑適毛霖裘氏年二十卽孀守一生苦節卒年六十餘歲黃氏名友姑適吳元生夫故氏年十九矢志守節撫孤成立營葬翁姑年六十五卒

孫氏名貴姑邑庠生余乘京妻乘京病故氏年二十三歲寡守至老年六十九卒

高氏名萬姐南崗林思友妻年十九思友故矢志孀守艱苦成家六十八歲而卒

江氏名罕姑邑庠生余道芳妻道芳故氏年二十五孀居苦守撫孤

閩清縣志

卷八 列女傳

十三

成立卒年六十有五

吳氏生員盧可任妻年二十九而寡矢志柏舟卒年六十有八

孫氏名錦玉候選縣丞孫柱次女年十七許配古田縣候選州同丁

騰起第三男儒童丁又仁尙未結褵仁於乾隆六年十一月初九

日病故氏聞訃卽遺書於姐從容自縊附載遺書爺千日死係是十

不得姐可勸爺娘二大人寬心莫苦妹死亦願更願看十五日錦姐

別書知縣姚循義詳請旌表賦詩以弔之卓哉孫氏女烈看恩扶綱

常一死心如鐵千秋骨有香鬚眉多抱愧巾幗獨留芳佇看恩綸

下重泉荷表揚知縣侯海詩聞說蛾眉砥節奇于歸却在死歸時

樹連枝慰親留得遺箋在親意叮嚀成別姊書寸心良已定一死更
永訣和淚達雙魚鄭重辭在親意叮嚀成別姊書寸心良已定一死更
無餘絕筆不垂如青

陳氏劉一鴻妻名淑梅年二十六歲寡家徒四壁勤苦守貞歷三十五年

余氏名淑玉許孔鎬妻年二十九夫歿孝事姑嫜勤撫弱子辛苦備歷守節三十六年

劉氏黃俊厚妻年二十一夫歿氏不爲哭屍口流沫氏伏舐之越日自經

翁氏黃經通妻年二十七夫歿逾日仰藥死永邑歲貢生鄢樹元詩烈烈女兒身拚將一死殉夫子留得三綱寄婦人休作紅顏傷薄命終教彤管勒貞珉登堂不洒滂沱淚生氣如斯想更真

吳氏諸生黃滋蔭妻名安夫病侍湯藥百餘日本嘗假寐夫歿親視殯殮投繯以殉時年二十三學使彭蘊章給匾曰節烈流芳

閩清縣志

卷八

列女傳

十四

許氏劉作沛未婚妻也夫歿聞訃卽赴夫家抱屍而痛累日不入口自經死乾隆間旌

吳氏名鳳姐龍田儒士錢長坦妻雲坑吳師臨女也氏自幼賢淑于歸一週夫死誓必殉之遺腹三個月忍死守節及期產女氏遂決

志絕粒臨死更衣從容泣謝翁姑曰媳命薄不得長侍翁姑唯善自保言訖而歿雖未旌表其烈節誠不忍湮沒也邑歲貢劉英鋒

以詩云錢門有吳氏貞烈恒自矢于歸甫一週夫病竟不起何惜捐微軀回思且暫俟只爲遺腹孤未敢求卽死嗟嗟命多艱載何生惟從郎盡節乃如此傷勸士與忠臣彷彿可比鳳兮著高名定當

先有女張復有許俱是未婚人直往莫能禦一梅則事舅姑一則求死
所坊死身已孀處期得養自遺孤那知命阻因之決殉夫不肯食一

黍今春二月間奄奄長逝去欲知此為誰雲坑吳氏女他年史乘中張許吳同叙此乾隆季年事也

春姐四都靈洞黃氏女也性恬靜孝父母兼善女紅許字劉崇直直素勤儉以癆瘵成疾而卒訃至其家父母戒家人勿洩故令尸饗女陰知之炊畢隨卽就縊年僅十八父母哀哭不已旋報翁姑翁姑感其節烈特迎其櫬歸與直合葬於六都葛城山紳耆劇金遮道致祭四方來觀者皆歎惜不絕舉人鄢韶成詩昔聞殉節有蓮姑步武芳型竟不孤生未同衾

死同穴綱常終古仗持扶

余氏二十二都許孔扇妻乾隆三年坊表

林氏劉哲夫妻苦守孀閨撫育二子俱身列黌宮

朱氏劉士升妻性淑慎升歿遺男五人長纔十四餘俱幼升家非素

閩清縣志

卷八 列女傳

十五

裕益以治喪營葬業愈飄零氏克儉克勤二十年間婚娶俱畢家亦漸饒子稍長卽令習舉子業及孫成章入泮食餼氏猶親見之朱氏劉章年妻聰慧整潔能讀列女傳兼善鍼黹鄉人以林下高風擬之

張氏劉貽卓妻孀守二孤長世則遊庠次世義身列成均皆氏課督功也

許氏劉翼霄妻苦節孀守撫男世豐爲邑諸生

劉氏三都許而虎妻未歸許家夫卒氏聞耗縞素登門親哭夫靈痛不欲生投繯幾次幸爲親屬所救得不死守節終身乾隆十一年旌獎建坊

孫氏二十二都邑庠生毛鳴富妻夫故殉節乾隆間坊表

陳氏邑庠生黃登石繼室于歸未週歲石卒含飯後矢以身殉時已孕數月有勸其存孤以延夫嗣者氏曰長而强者不可保腹中一塊肉何足恃况男女尙未可知家人審其言動百般隄防至四十日偶一疎虞氏自經死年二十一

溫氏名嬌使林惟端妻二十九卽寡家貧如洗惟恃鍼紉女紅度日撫子成立年六十有二邑令給匾旌獎

林氏名挺使邑人謝家申妻年二十三孀守一孤甫彌月柏舟自矢五十餘年無異志

夏氏黃臨文妻年二十九夫病篤與訣諷氏他適氏誓以身殉夫不

信也氏先自縊越六日夫乃卒

林氏邑儒士吳師尊妻年二十七歲夫亡子幼矢志孀守孝養翁姑孫懋勳入泮時吳學憲給獎節志堅貞四字匾音以榮之年七十六卒

許氏邑龍岡吳師廣妻于歸三載夫亡奉姑撫子孀守五十餘年邑紳聯名請旌當道給以茹荼苦節四字匾音以表其閭卒年八十餘

詹氏劉有地妻地卒時孤兒懸藜生方七十餘日家徒四壁茹荼含蓼篝燈課讀懸藜弱冠補弟子員因力學抱病氏每朔望焚香祝天可謂貞且慈矣嘉慶九年督學使者恩普給匾旌曰潛德幽光

永邑黃虞世歌君不見昔孝閭有笄氏嫁孝行劉秋光宋史又留見
今節婦有詹氏節行爭傳閭里笄年嫁作千家妹良人早歿不見
孤雛生孩婦及七旬餘養孤兒永茹冰聲兒傍母兒身抱病二十月
高照孀婦篝燈冷勤課茹冰聲兒傍母兒身抱病二十月
年朔望焚香爲祝成天願下士壽宗祀延人目亦暝香浮魯宮水
節降繁祉有子能成天願下士壽宗祀延人目亦暝香浮魯宮水
貞松千尺壽而康萱堂遐福殊未央
今日幽潛見旌表還看鳳誥垂天章

謝氏劉得闢妻名球使年二十歸闢闢潛心篤學乾隆戊辰府試第

二適遭厲疾未及院試而歿時闢年二十有四也氏與闢齊年遺

孤必鋒尙未週歲貞心苦守督令就學卒能成名嘉慶九年督學

使者恩普給匾旌之黃虞世歌謝家有女閨中傑才高解詠庭前

四載失所天苦守空閨廿四年半生爲女兼爲婦半生獨操孤鸞

是劉家駒能讀先人未竟書九泉亡父歿齋志遺經留與兒菑畚

閩清縣志

卷八

列女傳

十七

長不
朽

羅氏劉有質側室名聰使椎髻練裙自甘粗糲一切中饋瑣屑事靡
不親職其勞居恒訓其婦曰婢子年少不更事事非躬親殄物多
矣又曰居家尙勤儉苟圖安逸非所以長保富也子匯川氏出也
質及黃氏稍憐愛之氏鞠育盡道絕無姑息年五十五歿

姚氏名遺使劉有暢妻年二十七暢卒子二一六齡一四齡矢志貞
守撫孤成立嘉慶九年督學使者恩普旌之

張氏名端姐劉有準妻準嘗郡試冠軍未售後益勵志苦讀遂成瘵
疾準歿時氏年二十九強活孀守撫夫姪承歡爲嗣親操井臼擗
擋門戶嘉慶九年督學使者恩普旌之

毛氏劉有瑞妻當瑞歿時遺孤元太氏多方撫育及長娶媳甫育二孫而遭家不造元太歿寡媳李氏繼逝并所遺二孫亦殤氏擇夫姪孫之賢者曰皞承元太嗣而皞又夭後爲皞嗣者則皞兄融之次子紫芳也瑞之後得以延一脈於縣縣者皆氏之艱辛備歷百折不摧有以致之也

黃氏劉有永繼室柔順貞靜當永卽世二孤俱幼氏慈嚴交盡長男升遊庠次男元球成立皆氏力也

池氏名庚使劉元亮妻亮篤學成疾早卒時氏年二十七孀守二孤均幼不數年又遭回祿之厄家產蕩然茹荼飲藥卒使成立嘉慶九年督學使者恩普旌

蘇氏劉本凝妻凝苦學成疾氏焚香默禱請以身代疾卒不起氏守節撫孤及長援例舉鄉進士

許氏劉程祥妻夫死誓不再醮鞠育孤兒備嘗艱苦姑年老喪子自念煢煢不勝飲泣氏百端勸慰時抱孫戲姑膝下以解其憂

魏氏五都國學生黃萃堅妻嘉慶九年旌

翁許氏居七都坪街夫死守貞嘉慶三年邑令陳嗣龍旌之曰柏舟邁節

黃氏許啓駟妻夫力學有文名屢試莫售賫志以歿家少遺業氏耐苦守貞上奉二老下撫兩孤令就外傳夜則自課燈前後子綸吉組吉先後入泮補食廩餼文名卓著皆氏之力也

池氏四都前山村劉廷輔妻年二十一喪所天得舅姑憐撫姪翰元爲子教養成人嘉慶中遊武庠一字不入公門以謹愿稱於鄉僉謂其克遵節母之訓氏年五十八卒

溫氏名紫雲邑二都張繼修妻嘉慶間旌

林氏俞德山妻嘉慶九年學憲以潛德幽光旌之卒年七十二

廖氏俞德潤妻嘉慶甲子年學憲以潛德幽光旌之年七十卒

劉氏邑人許文炳妻聘而未娶炳亡氏聞訃誓不改適往許門成服守節以終其身

蔣氏陳丕爵妻夫歿氏極哀痛撫一遺孤幽貞自守雖至戚往來亦罕見其面焉

林氏諸生俞德玉妻名璟明尙書林爌曾孫女鴻臚寺序班雲聳之女年二十四德玉哭林哀卒不食成服日自經死

朱氏劉爲灼妻年二十寡遺孤甫三日忍死撫孤家貧姑令氏改適不從仰藥死

郭氏許時全妻遺腹一孤矢志孀守子習垂讀書未售援例入國學卓著鄉望嘉慶十四年縣令姚循義給獎

黃氏劉林五未婚妻夫卒氏年十六聞訃自縊殉劉迎柩合葬

王氏許高炳妻道光間旌

林氏錢長青妻夫歿矢志孀守誓不改移奉遺老撫幼孤其志節足嘉邑紳等於道光乙未稟請旌表給獎貞節可風四字匾音

張氏鶴汀坑橋頭黃蘭枝妻年纔弱冠夫亡無子誓不欲生夫殯殮後卽從容就義其節烈誠足欽矣

張氏名好使許國詩妻生子用賓甫三歲夫歿氏事姑盡孝勉子力學後中咸豐壬子科副舉人氏親見之咸以爲苦節之報卒年八十有六奉旨建坊

翁氏吳安泰妻二十歲喪偶只育一孤貞心自矢事舅姑則必敬必恭課子媳則維嚴維謹幸天憐苦節晚年獲見冢孫壽康名冠鬢宮云

黃氏邑庠生許銓妻早歲喪夫矢志孀守撫一子二女長適舉人劉學疇次適職貢黃本鏗婚嫁之事皆氏一人任之洵女中丈夫也

彭氏邑彭義質女年十九歸黃振岐爲妻岐苦讀成疾年二十四歿貧而無子擇賢立嗣孀守四十九年卒時七十有二歲

黃氏名鳳弟三都許習煖妻年二十八孀守享壽九十一歲

池氏名蘭清許麟振妻早歲喪夫兩孤呱呱氏耐苦撫之夫有姪兒姪婦年均幼氏亦善視之可謂節而賢焉

黃孝女名玉魁邑五都貢生黃宗禮女年二十四尙未許婚母邱氏早世女性至孝父抱沉疴六閱月女焚香籲天願以身代服侍湯藥寢食俱廢自是憂勞成疾形瘦骨立父歿四日女亦繼逝鄉人欽其行爲立孝女碑於愛留亭畔此道光二十一年事也

周氏六都湖峰黃瑚章妻道光二十七年坊表

吳氏六都池濬臨妻道光三十年旌

鄢氏五都黃賢宗妻道光間旌

蘇氏名賽英七都蓮宅林宗瑛妻年二十一失偶乃立夫姪從訓以承夫嗣夫大祥日哭泣盡哀自經而死

李氏五都國學生黃其颺繼室夫歿與側室共同守節撫雙孤皆成立氏明大義善治生遇有善舉樂爲捐助延師課子館穀必豐且好恤貧乏鄰里賢之

陳氏邑廩生詹羽皇繼室

張氏名淑鶯邑十六都詹公興妻未婚而夫歿氏聞訃哀慟欲絕投繯再四母告之曰爾有老姑奚忍於死卽完貞可也氏乃從命白

閩清縣志

卷八

列女傳

二十一

旃于歸登堂拜奠且事姑盡禮擇嗣承祧其節孝洵流芳千古

陳氏邑十六都詹叔久未婚妻

李氏邑十六都詹道雝妻性柔順溫恭寡言語孝翁姑睦妯娌儉勤自矢族鄰有貧乏者必調恤以濟其困其婦德亦足多矣

謝氏邑二十一都江桂源妻夫亡卽以身殉道光間奉旨建坊

吳氏二十二都邑廩生黃滋蔭妻夫弱冠不祿氏守百日喪卽閉戶自經道光間坊表

陳氏邑六都太學生劉承清妻舉人陳綏之胞姑也幼守女訓長歸承清敬尊璋睦妯娌有德曜風氏年二十八夫以瘵疾卒家有產業氏含淚撫孤摒擋家事內外井然道光初年邑大饑氏積穀

四百挑悉減價以糶鄉鄰藉以全活所用家量比人每小斗多半升有勸其縮小者氏曰貧人多得半升米受益不少吾家頗有餘寧計較此區區者終其身用舊家量族姪懿芝公車北上缺資斧氏厚贖之至鄉有善舉踴躍樂捐其子祖文入邑庠以讀書世其家未始非氏苦節樂善之報也道光十一年禮部題請奉旨建坊壽八十有一

錢氏邑儒士姚道福妻夫亡子幼矢志孀守內難外侮處之裕如勤儉持家頗致饒裕訓子課孫以娛晚景咸豐己未徐樹銘學憲給獎賢德嘉福四字匾音以榮之歿年八十有七

林氏故儒士黃孟波妻年二十七波卒育子道銓甫十日氏痛哭幾

絕思欲殉夫妯娌咸勸之曰上有老姑下有弱息一旦死殉其如未了兩大事何氏聞大義爲之動容於是勤紡績治家計其奉姑也以孝其課子也以嚴子道銓壯遊太學又能善事寡母氏卒年八十有一孫曾滿前其守貞獲報宜哉

許氏故儒士黃桂榮妻年二十七孀守茹荼飲蘖備歷艱辛孝事舅姑始終如一後援擇賢之例以夫姪本基承桃氏噢咻備至撫如己出氏年五十一卒

汪氏五都瀘溪邱維妻咸豐元年學使黃贊湯旌

許氏十一都中峰黃宗詩妻咸豐元年學使黃贊湯旌子樹蕃潤章皆邑庠生

邱氏五都國學生黃樹音妻咸豐四年旌

劉氏六都湖峰邑庠生黃瑞麟妻咸豐六年坊表

劉氏六都黃興彩妻咸豐六年坊表

黃氏七都林得池妻夫死七日仰藥卒咸豐八年旌

鄢氏五都黃國翰妻咸豐九年旌

劉氏五都黃文棟妻咸豐九年旌

許氏五都黃訓善妻咸豐九年學政徐樹銘旌

鄭氏五都黃隆鹽妻夫歿孀居五十三載咸豐九年督學徐樹銘旌

嗣子球觀道光甲午科武舉人

鄭氏名招使十七都劉治律妻咸豐十年坊表

閩清縣志

卷八

列女傳

二十三

余氏六都劉安仁妻結褵才數月夫暴死氏日夜痛哭以淚洗面志在必殉妯娌防之密不得死逾年防稍疏氏竟乘間自經嗚呼烈矣

游氏許存士妻早歲孀居家雖貧不改其志孝事翁姑教誨子媳歷三世庭無詬誶聲論者皆謂其化洽一家云

黃氏許梅士妻夫業儒未售因染煙癮日對一燈竟拋本業家道益窘氏事之不少懈且累日停炊終不求貸惟日夜織紡取值並令兒拾薪易米勉給夫用無使乏其德良足嘉已

嚴氏四都許元禹妻年二十一歲孀守卒年五十有二坊表

黃氏劉祖泉妻守節終身學憲吳保泰旌

黃氏劉懿澄妻夫死守節到老學憲吳保泰旌

張氏邑增生劉觀濤妻僑居福城有文名早卒子溥廉纔數齡室如懸罄氏矢志撫姑作女紅以供口食廉及冠未授室氏自回鄉苦告族房請助婚費遂得娶婦廉善體母志勤學好問早歲名列巒宮氏年五十二卒

王氏四都橋頭陳品勃妻年十七夫歿矢志靡他善事姑以姪爲嗣苦節自完卒年七十有五

陳氏名碧使邑二都吳鴻儒妻咸豐四年旌

劉氏名巧鶯邑二都黃達廷妻武舉人佑垂女也十八歲歸達廷生一女年二十三夫歿當夫病篤時囑以胞弟亮廷襁褓之子爲嗣

閩清縣志

卷八

列女傳

二十四

氏矢志撫孤至五歲夭殤氏哀痛幾不欲生自是母女相依爲命後擇一親房姪嗣焉氏卒年五十

劉氏俞鴻苞之妻六都坂中劉有質孫女也咸豐辛亥年學憲黃贊湯給以儒門貞壽匾音年六十一卒

黃氏邑鶴汀故儒士陳作賢妻年二十而寡氏未育擇夫弟之子景福爲嗣後入邑庠同治壬戌厲學憲以巾幗完人四字匾音旌之劉氏邑庠生劉必鋒女性端莊知大體慕貞節賢孝事年二十一歸邑生員黃將有舉案風無何夫卒氏痛哭憂毀幾不欲生妯娌苦勸之氏亦轉念姑在堂子在抱此身未可以死也於是收淚視事躬親操作以冀無負死者付託之重並慰其姑之心是時子放方

三歲本歟纔一週耳零丁孤苦鞠育艱難及壯均爲授室乃婚娶甫畢二子相繼殞逝嗚呼慘矣二子各遺一孤逾年又夭其一嗚呼更慘矣天之報施節婦顧如是耶放之孤履亨生四歲又失恃氏益加保養履亨少穎悟好讀書差得祖母歡心但因祖母年邁不得不棄儒業而治家務厥後曾孫輩均能讀父書承先志氏乃顧而喜曰不圖今日猶得見爾曹成立也同治紀元履亨肄業太學上其事於學憲旌曰德門春永云

許烈女名荆釵同知銜許必端女幼習詩書明大義受聘於候邑后美鄉張啟新新以同治十三年四月二十日逝世烈女聞訃痛不欲生求赴張門盡節父必端旣以疾廢烈女素襄母氏持家政教

撫諸弟能得家人歡以故尊長均力阻之烈女勉持凶服適週百日竟仰藥死候官縣知縣及竹崎分司咸來拜奠次日張姓迎襯歸與啓新合葬沿途各鄉路祭相望閭里讚嘆謂足與蓮姑後先輝映云

張氏五都黃泮國妻同治三年督學厲旌

吳氏五都黃弼良妻同治三年旌

鄭氏五都國學生黃訓標繼室年二十一夫歿或勸之改醮氏厲聲曰婦人從一而終與其嫁毋寧死自是孀居三十年族戚罕得見其面同治三年旌

黃氏名居弟三都故儒士許廷弼妻性聰穎通文字結褵未久夫病

癱瘓不能起氏侍湯藥躬盥饋凡五載弗稍懈年二十三喪夫遺孤幼家中落氏節儉持家勤於女紅夜分篝燈課子誦讀家產漸復其舊同治四年坊表

范氏五都黃弼秋妻同治四年旌

許氏六都新壺黃祖程妻同治五年坊表

蘇氏五都黃國光妻同治七年旌

劉氏六都湖峰黃興建妻同治九年旌

劉氏五都黃弼智妻同治十一年旌

盧氏六都李良文妻夫死年十七守節五十三年同治乙丑學政曹有瑤池冰雪四字之獎壽七十有一

閩清縣志

卷八

列女傳

二十六

嚴氏六都李良振妻年二十二夫死守節六十二年同治乙丑學政曹旌以瓊山貞石四字壽八十有四

李氏二十三都關峰張有茂妻守節六十餘年卒時年九十有一

許氏六都墘上裡故儒士黃本敏妻三都許能瑞女也于歸八載夫抱采薪氏焚香禱告進藥必親嘗之侍疾一載夫終不起殯之日氏抱尸泣奠後歸房薰沐更衣出與翁姑妯娌永訣家人苦勸之氏答已吞毒藥逾時氣絕目瞑吁許氏之從容就義如此其節烈誠足千古已

黃氏六都劉麟五妻學憲李聯琇旌

葉氏劉爲楫側室二十六歲守節卒年六十八

林氏黃克焰妻學憲徐樹銘給貞節遐齡四字旌之
蕭氏黃克奎妻學憲徐樹銘以勁節松筠四字旌之
郭氏名淑新邑二都張繼梅妻同治間旌
徐氏名蘭香邑二都劉祖開妻同治間旌

吳氏邑二都故儒士黃賢廷側室也十六歲歸賢廷嫡庶敦睦從無
間言生二子二十三歲夫歿氏矢志撫孤足不出戶庭者十七年
卒年三十九

林氏名烏使邑八都監生盧天明繼室年十七適天明越三載喪所
天遺腹甫四月後生男夢華撫養成立至老孫曾滿眼卒年八十
王氏邑八都上坂蘇清邦妻壯歲夫卒矢志撫孤孀守三十餘年如

閩清縣志

卷八

列女傳

二十七

一日

吳氏俞鴻蕃妻同治壬戌年學憲以閨節垂型旌之卒年七十三
蕭氏邑故儒士溫嚮仁妻夫死氏年十九孀居守節四十六歲卒
陳氏邑農民義華女也氏七歲卽與黃懋成締姻成父本建少有資
產僑居邑十一都維溪地方建雖非讀書而素好客家漸落旋以
父母繼逝喪葬兼營家益不支由是挈眷回鄉成年逾壯尙歉婚
娶之資氏父見成境窘欲悔婚氏聞之眠食俱廢謂鄰婦曰婦人
從一爲貞貧吾命也若不得爲黃家婦者有如皁日母聞言深憂
之語其父曰女旣矢志不可易何必計及財幣父躡其言乃邀媒
妁送女于歸成禮時氏年二十矣入門後躬操井臼紡織維勤相

夫子和妯娌族黨無閒言成自得內助日積月累家業漸進逾年舉一子方五歲成竟得瘵疾氏親侍湯藥弗離片晷越三月餘病勢漸劇自知不起謂氏曰向恐先人血脈至我而絕今幸有子以續宗祧皆卿矢志之所賜也今而後可瞑目泉下矣氏答曰君目未瞑誰敢先瞑君目既瞑誰敢不瞑蓋氏已決於相從矣翌日亥時成竟溘然而逝年四十有四氏呼天搶地一慟幾絕殮後葬於本山之陽氏每日往哭其墓哭哽咽不成聲路人聞之莫不淚下自是廢寢忘餐思以一死殉夫妯娌旦夕防護未嘗稍疏一日氏晨起詣墓哭拜或勸之氏曰盡此一哭以畢此恨不亦可乎旁人莫喻其意而氏卽於是夕自經死年二十有六族人哀其節爲之

請旌焉

林氏故儒士黃聯球妻二十九歲夫卒子三女一逮事繼姑姑年僅長五歲無出氏事無大小必稟命而行姑或不悅則下氣怡色柔聲以回其意病則服侍左右毫無倦容迨姑死哭泣盡哀與翁合葬費千餘金皆氏經營之力氏以孀婦撐持家計且延師課子館穀必豐鄉有善舉亦樂捐巨貲誠女中之錚錚也卒年五十二陳氏邑庠生林懋菁妻年二十三孀守矢志堅貞年七十三以疾卒光緒二十年部批准入節孝祠

黃烈女名蓮妹黃本長女先長父由六都遷十一都洋頭坊氏年十六父母許字五都瀘溪邱學滕爲室滕故家貧挈其弟學朱僑居

十二都林埔村貿易爲生稍積微貲光緒十八年女年十七已諷
三月二十七日奠雁不意滕先於二十五日以瘵疾亡訃聞女一
慟幾絕女生有至性家人素知之姑姊輩爲之寬慰再四且夕防
護女乃破涕強顏事父母撫幼弟弗失其常家人不以爲慮突於
四月二十六夜投繯殉節時學朱旣悼其兄之亡又憐烈女之志
遂迎其靈柩歸與兄合葬並進木主於祖祠族隣咸爲之嘉歎噫
烈女生長蓬門以弱笄而深諳大義亦罕覯矣舉人鄢韶成詩
身尺組不爲愚堪嗟暮少朝秦輩明是堂一丈夫閩清古文泉書
院山長進上莊鼎元序楚女風悲山川而盡黑望夫石古草木書
爲之祠地豈洛陽上孝節定何人之下墓之愁萬里而香埋亦藻
矣然而言松柏有蘭不凋之操蕙蘭史官不實錄之香九重人綉
天子恩而言百里有繭不絲筆之乘者無官實錄之何待高人綉
逸士播之諸詩者

閩清縣志

卷八

列女傳

二十九

歌野老村童傳其姓哉且夫無忌而抵復仇壯之甓緹拳綮上贖父兄之
書突重圍而踰城勇哉奪臂且渡中流而操楫壯矣攘拳綮既贖父兄之
過之孝非若躍十年願同姊妹全女子之貞者此爰有江華宗洋羨坊大
姑成女問名則品素不蓮事鉛華儀度幽嫻久辭不鞏革差喜薦蘿有取
而淑成仁性淡素不蓮事鉛華儀度幽嫻久辭不鞏革差喜薦蘿有取
曾憑媒妁之言得命也薑猶天乎不作弔女方卜鳳忽鳴海鳥奇日冤亦
復報幣如期誰知命也薑猶天乎不作弔女方卜鳳忽鳴海鳥奇日冤亦
婿是乘龍竟染命聞者酸鼻見者撫膺烈女則杼不機布素刀尺子問
及胃腸詞成絕命聞者酸鼻見者撫膺烈女則杼不機布素刀尺子問
孥袒服釵裙巾箱檢點不知早晚偷生慷慨之明心豈限乞活縱更有甚
杞妻之慟斯時也淒涼飲恨無意偷生慷慨之明心豈限乞活縱更有甚
諸姑伯姊相慰藉壁上彌單衣永斷孤孀之自躊躇而玉齊吹鳳管尺
而登仙勝似春兒爲囑鳩棺而宅共葬義而已矣侍兒把也嗟嗟懷
清築巴婦之臺高義表桓之節冰霜返全婦道之骨若者從
夫婿心同日月乞還陰氏之尸節勵廟以還始全婦道之骨若者從
容而赴義若者乞還陰氏之尸節勵廟以還始全婦道之骨若者從
無忝母儀相莊鴻案情之久篤百日糠粃對泣效牛露筋之節更雪虐霜
有三星未會卽酌結髮之恩百日糠粃對泣效牛露筋之節更雪虐霜

明之素地桐於孤雄生卽風淒閉雨苦入之帷亦無以獨活貞心使於嘉門耦始而豈一不聲足
裂之帛灑珠淚於無枉三種尺生成之草此在顏而華閱或明義不飛並
命何期貞珉樹千秋有綽楔從此天荒地老目之管成共知勃之海
華勒之蓮曲梅溪崩女過多諱蓮女貞清風之貞女高陽越在江夏
撰夫蓮人曲梅溪崩女過多諱蓮女貞清風之貞女高陽越在江夏
粥幽葩姊營邱相許字妍朱絲氏牽有夫婿作且娟工懋阿積勤十陌萬
膠廬莫雁翼耗闔外聲喧填深却閨躡捐顛復星蹟戚邨月勸慰惟鶯皇
謝粉神志爾潛雉宅覺萎防植眠馨彌延道路哀感爲五咽美人枯黃
鵲經月竟爾潛雉宅覺萎防植眠馨彌延道路哀感爲五咽美人枯黃
何盈萬千齊飛仙竝頭重結夜室緣彤煒紀載貞珉鐫夫翁銷荒煙
土如尺組白頭竝頭重結夜室緣彤煒紀載貞珉鐫夫翁銷荒煙
隨之傳羣雌粥山川靈氣空蜿蜒不鍾冠弁鍾釵鈿野風門外吹
陳遺澤沈丹鉛粥山川靈氣空蜿蜒不鍾冠弁鍾釵鈿野風門外吹
鬢邊珮環隱約睇安罄邦媛賢高詞一禪聊人筵往霜亘古餘芳書
老髮慙如椽圍幽安罄邦媛賢高詞一禪聊人筵往霜亘古餘芳書

閩清縣志

卷八

列女傳

三十一

扇詞曰瀘溪之水清且漣夫渠菡田祠芳闈璇流圓折來松川蓋
央有美亭焉墓草芊芊荷葉田菡田祠芳闈璇流圓折來松川蓋
今落如氈菱芡維潔兮筠箭之筭以升仙鬱攸地泉陳莖以
華十丈之氈菱芡維潔兮筠箭之筭以升仙鬱攸地泉陳莖以
返兮碧筩陶然石不爛兮旂影不騫享此椒漿兮紅億萬斯年之

池氏邑十都故儒士吳忠就妻年二十四夫歿守貞撫孤壽至八十
有五歲滿眼兒孫相見者五代光緒中學憲馮光遙獎以彤管流

芳匾音云

李氏邑十一都農民黃精業妻氏名鳳嬌同邑十二都池邊村李德
崇女幼守女誠及歸精業孝事翁姑無違夫子精業游蕩氏婉諫
之不改仍和好如初口不出怨言無何精業死於非命氏適歸寧
聞訃一慟欲絕馳歸撫屍流涕泣不成聲次日氏亦以死殉之時

光緒三十四年七月初五日也年二十歲家貧尙未請旌

陳氏邑一都龍興村張鳴鰲之妻年二十九孀守貞如松柏六十二歲逝世

黃氏邑三都許習曹妻年二十七夫死長子克清六歲次克濂四歲三克洪二歲四遺腹孤克波氏艱辛萬狀育子成人光緒二十三年由縣申詳學政王錫蕃給匾音松柏長青享壽八十有二卽閩清公立中學校校長許剛之祖母也

謝氏故儒士許乃昌妻誕子五旬卽失所天撫孩苦守且孝翁姑和妯娌家庭之中被其化者皆雍雍然有敦睦風光緒十三年學政陳學棻給獎

閩清縣志

卷八 列女傳

三十一

郭氏許興輜妻早寡撫一孤宗岱零丁孤苦至於成立稍長勗其力學光緒七年學憲崑取進文庠卽於是歲旌獎節孝亦足酬氏之苦節矣

陳氏邑例貢吳懋昭妻年二十七夫亡未育兒女夫姪幼失怙恃氏撫如己出幸獲成立光緒庚子禮部題請奉旨建坊入祠其坊豎於官塘山麓邑文貞景仰龍岡柏舟矢志溯慕共姜撫姪成流芳繼祀蒸嘗含飴繞膝德音不忘躬逢盛典入祠建坊志清演水節高官塘里邨式宗乘有光年越古稀俾壽而康千秋罔替俎豆馨香氏歿年七十有六

鄒氏鶴汀故儒士陳齊良妻年二十五夫亡孀守孝養翁姑光緒丁酉氏年六十禮部題請奉旨建坊入祠

錢氏故儒士吳弼元妻年二十四喪厥所天立誓不移奉姑撫子女紅自給勤儉持家至老不倦光緒己亥如心社彙請題旌給獎清標彤管四字奉旨建坊入祠

張氏邑鶴汀村陳國楨妻年二十四夫亡子幼孝養翁姑艱苦持家堅貞自矢光緒甲辰秦學憲獎以鐵操冰心四字匾音氏年七十
三歿

杜氏邑還盛橋陳大芝妻夫死孀守蒙獎節孝建坊

林氏名細妹父開泰候官例貢氏年十六適邑人謝登輝爲妻寡言笑善事姑嫜和睦妯娌登輝家風寒素氏勤於紡織以助家計登輝困於童試鬱鬱不得志氏常以黃花晚節語慰之及登輝疾亟

氏焚香告天願以身代不幸夫死哀號嘔血數升絕食幾死親屬苦勸持服期年一夕抱幼子跪姑前泣求夫之兄嫂撫育孤雛以延夫後語哽咽不成聲家人又再三寬慰之是夜竟飲醜而卒
陳氏邑武舉人選授千總陳龍標之女年十九適永泰鄢韶軒爲妻軒應童子試積勞成疾年十九歿氏二十一歲未育有子擇夫堂姪振聲爲嗣篝燈課讀而又善事舅姑孀守六十三年終完大節光緒間蒙獎節孝准予建坊入祠坊在十二都橋墩頭卒時八十
三歲

林氏邑林全周女年十七歸永泰文庠鄢作猷爲繼室夫歿時氏二十四歲手抱四個月孤兒撫之成立孀守二十七年五十歲卒蒙

獎節孝

邱氏邑廩貢邱烈女年十三適李鳳岐之子開焯未合昏焯殤氏以弱笄之齡慟哭欲絕既而轉節悲傷蓋不忍重其翁姑痛無如家運迍邐夫之兄弟相繼淪謝境亦逆矣氏多方勸解翁姑視膳問安以婦道而兼子道後擇夫弟開渠之子爲嗣篝燈督課族之人非特稱其節孝也且又稱爲賢母焉

王氏邑十都王孟賢女年十六適故儒士吳文藻甫一歲文藻以病故翁姑在堂氏孕纔六個月未敢以身殉閱四月遺腹生兒名念萱氏矢志撫孤孝事翁姑日偕妯娌操作夜則篝燈紡織習以爲常子未長時督責防閑無少寬假稍長延師課讀隆禮有加且鄉

鄰貧乏調恤扶持靡所不至邑有義舉更出力捐貲光緒初請獎節孝准予建坊入祠光緒末年又給五代同堂匾音

李氏邑中峰黃弼卿妻年二十五卿故氏事姑教子並盡婦道光緒十五年奉旨建坊

黃氏邑玉山李孟蘭妻年二十一蘭故氏矢志靡他光緒初蒙獎節孝

黃氏邑溪坪蕭金貴妻夫死從一而終光緒中蒙獎節孝給匾
陳氏邑溪坪彭忠芬妻年二十忠芬病故氏事姑育子各盡其道今年五十一矣

江氏黃傳蘭妻年十八傳蘭病故氏矢志柏舟今年五十一歲

黃氏邑黃東藩女年二十歸方詩人爲妻夫亡時氏二十六歲孀守三十五年而卒光緒間旌

羅氏邑羅春楊女年十六歸方成傳爲繼室夫故氏十九歲孀守五十年而歿光緒間旌

林氏邑十六都前坪陳進智妻年二十一夫死子幼倚夫弟某養活某因家貧有嫁嫂意每借端罵詈氏察知之忍不與較家有獵槍一桿夫之舊物也一夕閉門忽聞槍聲隆隆然家人破扉入見氏昏絕於地按之猶有氣息喉間血涔涔下槍尙在手急敷以金創藥移時蘇衆勸慰之弗應是夕三鼓氏竟以手探喉血流不止而死邑歲貢林培禧請於邑令高楓詳報上憲給匾曰貞烈性成

閩清縣志

卷八

列女傳

三十四

劉氏何高章妻年二十七夫歿長子陞泰纔七歲餘皆稚弱氏上奉孀姑下撫孤子甘旨衣食皆賴女紅親族憐其貧勸其改適氏誓死不嫁守節五十四年閱盡艱苦光緒二十二年王錫蕃學憲旌鄭氏邑人甘時妻光緒四年旌

陳氏名珠蓮七都坪街國學生黃國達繼室年二十九夫故與側室陳桂花均撫孤守節光緒五年學政孫詒經以松柏雙青四字給匾旌之

蕭氏五都黃振宣妻光緒十一年旌

楊氏名玉蘭五都黃季春未婚妻年十三夫歿家貧如洗氏含辛茹苦日勤紡績以奉翁姑撫嗣子守節五十六年足少出閩光緒十

三年坊表長樂舉人黃葆鋒得見夫面茫茫藐夫亡一日未笄苦夫節分
誰代我腸碎裂翁姑饑寒死兩難寸心了徹巾幘衣冠天感其貞
節惟生更難全節兼孝生我兩難寸心了徹巾幘衣冠天感其貞
疾雷不驚徽流彤管綽楔標名丹青圖照月潔
松稠月華朗徹松影清幽松月節操萬古千秋

黃氏名貞香三都許銀福妻年二十于歸甫四閱月福卽病逝遺腹
一子氏辛苦持家事舅姑撫幼子以一身兼之光緒十一年坊表
年六十卒

潘氏名蘭使九都陳國藻妻與媳潘氏同守節光緒十六年旌

池氏名木蘭三都許炳圖妻年二十五夫故遺孤二長七歲次三歲
家無長物氏躬操井臼維持生計晚年家漸豐子亦成立光緒二
十六年督學秦綬章旌

閩清縣志

卷八

列女傳

三十五

陳氏六都湖峰黃萃奎妻光緒二十一年旌

黃氏名雅妹三都許就璧妻光緒二十六年督學秦綬章旌

鄭氏七都黃祖鼎繼室光緒二十六年學政戴鴻慈旌子棟松棟岐
俱貢生孫應亨邑庠生

黃氏五都瀘溪邱廷銓妻光緒十五年烏學政旌

劉氏名香使五都霞邊詹仰章妻光緒二十七年旌

邱氏名月英五都霞邊故儒士詹宗岐妻孝事翁姑善持家計訓子
課孫必以其道光緒三十三年學使秦綬章旌

劉氏名萬使五都黃賢國妻光緒三十三年學使秦綬章旌

黃氏五都茶口林洪周妻光緒三十四年阮令希元詳請旌表

黃氏名淑音三都故儒士許樹年妻光緒三十年學政秦綬章旌
范氏名瀏使九都俞爾聘妻光緒三十三年旌

劉氏六都新壺里國學生黃韶元妻年二十三夫故氏善體姑意間
安侍膳恪守婦職旋立夫弟鴻元子蘭祥爲嗣愛若親生光緒間
旌年六十二卒

黃氏六都鹿阪廩生劉鍾馨妻馨授歸化縣學訓導將赴任竟卒時
氏年二十有五遺孤甫三歲家窶貧氏親操井臼勤紡織以事翁
姑撫幼子守節五十餘年如一日光緒間旌年八十六卒

詹氏五都黃國經妻光緒間旌

劉氏名春香三都許克銓妻年二十六寡遺腹一子氏柏舟矢志孝

閩清縣志

卷八

列女傳

三十六

養翁姑光緒中提學使姚文倬旌

黃氏名嬋娟三都許年璧妻廩生黃倬章姪女也性敏慧習書史工
刺繡年二十六夫故謹執婦道孝養二姑未嘗以才自炫夜課兒
孫誦讀以爲常光緒間學政戴鴻慈旌年六十卒子瑞麟歲貢
張氏十一都中峰黃其琇妻光緒間旌

劉氏五都國學生黃祖勳妻光緒間旌子景章光緒癸巳恩科武舉
人

邱氏名祿嬌黃其欽繼室年二十二夫歿子偉淵纔彌月氏善理家
政奉邁姑撫弱息心力俱瘁淵夭折幼孫仙徽甫三歲氏與媳劉
氏協力撫養至於成立

黃氏五都霞邊詹宗祥子乞食之妻夫病瘵死氏乃忍泣爲夫立嗣不逾年嗣子殤氏卽仰藥卒時年二十有三

劉氏名穆英三都許鹿璧妻年十六歸許逾年卽失所天氏親理家政竭力事姑擇賢承嗣以憂勞成疾年四十四卒

許氏一都黃本仁妻年二十九寡遺孤二長華魁四歲次超羣方五月氏勤力紡織矢志撫孤年八十六卒

林氏名大妹五都武庠生黃懿昌妻年二十二夫故遺腹纔兩月及生子仕徽守節撫孤恩勤備至尤善事翁姑鄰里競稱其賢

黃氏永泰名族女歸邑文童劉任壬琴瑟甚調任壬家世業儒因屢困場屋遂發狂疾氏奉侍湯藥朝夕無懈無何任壬死氏號泣失

聲勺飲不入口翁姑再三勸慰漸食飲然每日必至夫柩前一哭至百日哭奠後遂不復哭翁姑以爲自是可節哀矣不料是夜竟縊死視其衣履已更新蓋早抱從容就義之志而視死如歸焉光緒中有司以烈節旌之

朱氏邑六都新壺故儒士黃聯琛妻琛早卒上有老母下遺幼孤名紹苒氏冰霜矢志辛苦持家事姑盡孝課子尤嚴紹苒逾冠卽入邑庠皆母教之力也光緒二十七年坊表文泉掌教莊鼎元林師望二先生及同里進士劉煥光均作詩文贊之

黃氏名嬋嬌七都貢生林兆璜繼室年二十喪厥所天遺腹纔八月迨生子遺官教養兼施克承先業年三十四卒

張氏名益姬七都林正雷妻年二十九夫出外故氏欲親往扶襯歸葬以家貧不果遂仰藥死

張氏名鏗弟三都許堯圖妻年二十五寡仰事翁姑俯育兒輩各盡其道年五十八卒

蔣氏名春妹三都許松璧妻于歸兩載卽孀守孤闈勤儉持家撫孤成立

黃氏名二妹三都許祖鑾妻年二十七孀居苦守撫育三孤家徒壁立氏日夜紡績以供衣食年六十九卒

涂氏名月英黃振舜妻夫歿於洋口氏攜幼子家添赴洋運柩歸葬畢卽投繯死

閩清縣志

卷八

列女傳

三十八

王氏名月英二都陳書銘妻與次媳黃氏名愛玉均守節終身撫幼孫榕官至於成立

許氏名金妹邑治池慶棠妻年二十二夫故二子又相繼殤氏乃仰藥卒

鄭氏邑治池連魁妻年二十二寡遺腹纔兩月及孤兒家純生教養備至爲娶媳張氏純死張氏亦矢志柏舟養姑哺雛無少倦怠人稱姑媳雙節

黃氏名玉英二都滌上李居躬妻年三十守寡撫育二子均克成家卒年六十一

邱氏名鳳花十六都王新玉妻性柔順略曉文字年二十一于歸閱

兩載新玉病卒氏欲以身殉之因念子其明生纔十月呱呱在抱需其乳哺弗忍舍也於是苦守孀幃撫育備至每夜分一燈如豆紡聲弗絕兼課兒讀其明善體母志卒以商業起家孫曾滿堂氏親見之誠苦心不負矣光緒間崑學憲旌享壽八十有三

林氏十六都鶴洋詹興拔未婚妻夫死氏年十九卽赴夫家守節奉養老姑卒年七十有四光緒間坊表

王氏名春使十六都翁賢銓妻三十歲夫以瘵疾卒一慟幾絕決欲殉夫老姑在堂責以大義氏乃不敢復萌死志家貧祇以女紅度日事姑罔懈子能詠年十一教以非財勿取督其經營商業由是稍得溫飽氏克勤克儉數十年如一日非特節操之苦也光緒十

五年烏學憲給予柏操流徽四字匾音卒年六十有三

鄧氏名巧使四都佳壠裡王龍雅妻性柔順有婦德年二十八夫歿矢志守節善治家命子祖儀治農業孫翊銘未壯卽入邑庠識者咸以爲苦節之報卒年八十有九

林氏十六都陳列儀妻夫故與夫妾林氏同守寡各育一子互相撫養愛無差等凡井臼縫紉必協力作苦汗積數千金置田建屋與妾悉心料理仍以勤儉督率兒孫先後相繼逝世鄰里以雙節稱之光緒間旌

許氏名玉使六都黃時和妻年十七于歸二十四夫歿育二子長萃龍六歲次萃田二歲氏矢志貞守奉姑盡孝訓子有方勤儉治家

建置田宅晚年兒孫繞膝享壽八十歲光緒十三年坊表

劉氏許香士妻夫早喪氏守義不嫁娛老撫孤厥後奉旨建坊旌獎節孝

傅氏六都劉訓澍妻夫業儒生一女甫五月夫病瘵死氏年二十一矢志柏舟氏翁懿璜憫之就族中擇一子承嗣藉慰其苦氏嘗篝燈夜織兼以課兒冀紹祖父書香後積勞病故年三十有二女一適許際咸嗣子保恭宣統丁酉科拔貢

林氏劉善富妻賦于歸纔一載夫病故氏方十七歲立夫兄子訓藜爲嗣氏嘗於燈下縫紉兼以課讀嗣子藜早歲遊庠秦學使旌以松栢冬青匾音

俞氏劉善相妻年十七于歸未百日忽失所天氏足不踰閫垂帷飲泣雖至親亦罕見其面次年以哀慟致病死

方氏劉訓聰繼室夫以瘵疾死遺孤三歲氏欲以身殉夫氏翁懿璜以撫孤大義勗之氏乃忍痛課兒至於成立

林氏劉長揚妻夫歿時氏纔二十一歲遺下一女後立夫兄子保賢爲嗣氏茹荼飲蘖忍苦課兒保賢少年遊泮念母苦節請獎於秦學使旌以冰清玉潔匾音

郭氏六都劉長良未婚妻良家貧年逾壯始定聘未幾病危一日誤傳良故氏聞之隨仰藥死遲數日良果死親族感其節烈迎其香火歸

陳氏六都劉善霖妻光緒間烏拉布學憲旌

魏氏六都劉懿煊妻光緒間烏拉布學憲旌

劉氏四都許培椿妻二十一歲守寡卒年五十有三

翁氏六都黃友孟妻光緒二十年由如心社彙報奉旨旌表

許氏黃良弼妻二十五歲守節旌

朱氏黃天榮妻二十一歲夫卒百日自經以殉旌

陳氏劉爲尹繼室夫死子幼氏忍淚持家矢勤矢儉得守夫之遺業

命子安行就傅讀書行善體母志規行矩步鄉里稱爲善人皆藉

節母之訓也學憲崑岡旌

黃氏劉長雄妻二十五歲守節卒年六十六

蘇氏劉訓禹妻二十五歲守節秦學使綬章旌

黃氏劉長毓妻夫死撫孤守節閭里稱賢秦學使綬章旌

詹氏劉紹清妻秦學使綬章旌

方氏邑增貢劉煜妻二十八歲守寡卒年四十四

黃氏劉善秋妻年二十八歲守寡卒年六十四

許氏劉光旦妻年三十守節卒年七十有二

朱氏劉貴球妻年三十守節卒年六十五

黃氏朱長厚妻年二十守節卒年七十二

任氏二十二都邑庠生林仰辰妻夫死百日絕粒而逝光緒間坊表

吳氏邑二都厚壠徐阿三妻光緒二十五年旌現年八十一

張氏名淑英邑二都黃煥廷妻進士鳴岐長女也三十歲孀居撫有三子一女矢勤矢儉積巨貲建屋宇皆氏親自主持宗族俱以賢能稱之卒年五十歲

毛氏十七都故儒士劉任教妻光緒乙未年學使王錫藩給匾清風不朽四字卒年八十有二

朱氏十七都故儒士詹鴻禧妻光緒癸巳年學使王錫藩匾以松筠勁節

黃氏十七都故儒士詹鴻升妻光緒乙巳年學使王錫藩匾以孟姜並步

余氏名賽英邑十七都飯宅村謝兆香妻秉性貞潔年二十七兆香

病療氏侍奉湯藥始終不懈兆香死一慟幾絕有頃嘆曰婦人之義從一而終既無夫又無子何以生爲遂仰藥死光緒二十七年族人憫其節爲之呈請給匾以旌其閭

林氏邑四都橋頭村陳方貞妻年二十八夫喪子八歲苦心撫育卒獲成立年五十五卒

劉氏名章弟邑四都橋頭陳方清妻年二十八夫故撫孤守節篤事翁姑荆釵裙布以此自終年七十卒

林氏邑四都佳壠裡王亨福妻性幽閑貞靜年十八夫故不出閨闈撫遺孤俾得長成閭里嘖嘖稱之年七十八卒

鄭氏邑四都橋頭陳方耀妻年十七于歸性聰穎明婦道二十四夫

歿守節撫孤克孝舅姑年四十五卒

黃氏名芝暉邑二都張傳標妻二十三歲歸傳標三十歲孀居撫幼子和妯娌勤儉居積其孫曾得有遺產者氏之力也卒年六十有八光緒間旌

鄧氏名玉珠邑二都張乃瓚妻二十五歲孀居撫兩孤長五歲次一歲爲人沉默寡言笑與姑黃氏同守苦節終無閒言卒年六十有六

許氏名玉英邑二都黃華廷妻性嫻婉年十九歸華廷生二子一女二十六歲夫歿矢志孀守未幾長子八歲殤又值夫昆季連年繼逝同居妯娌中一門六寡氏之死靡他始終如一數十年妯娌相

閩清縣志

卷八 列女傳

四十三

處未嘗一齟齬里黨咸嘉歎焉卒年六十二

劉氏故儒士張我盛妻年二十八守節學憲給匾音曰冰清玉潔卒年七十八

黃氏故儒士張我財妻年三十六守節學憲給匾音曰食蓼忘辛卒年七十三

林氏監生蔣成鋒妻學使秦綬章給匾音曰節比松筠

吳氏名桂英邑二都徐東輔妻光緒甲辰年旌

陳氏二都黃亮廷妻年二十歲守節卒年三十九

陳氏二都黃作忠妻年十九歲守節卒年三十五

林氏二都黃寶忠妻年二十五守節卒年四十九

張氏二都黃蘭廷妻年二十六守節卒年六十有八

黃氏六都朱祥恭妻年十九守節卒年二十九

林氏邑廩生黃希堅妻年二十夫故未育男子只遺二幼女氏矢志不嫁事翁姑盡禮及翁姑歿哀毀備至年五十一卒姪嗣

黃氏張臻廷妻年二十九夫卒守節學使匾之曰松筠節操

許氏武舉人張捷陞妻年二十五夫歿守節學使以食蓼忘辛匾之

陳氏故儒士張德元妻年二十四守節光緒庚子年旌獎節孝卒年

六十九

黃氏張鑑光妻年二十九守節光緒辛丑年旌獎節孝卒年五十九

程氏故儒士張克旺妻年十九于歸二十生一男甫週歲夫卒氏紡

閩清縣志

卷八

列女傳

四十四

績持家矢志守節撫孤成立光緒戊子年學憲給匾音曰瑤池冰雪卒年七十有四

謝氏十七都菜埕鄉余其楓妻夫死遺子四人哭泣盡哀殯殮如禮未幾乘家人不覺自經死年二十七

李氏名居弟一都橋東坑謝義輝妻光緒己亥年戴學憲旌卒年六十
十有七

吳氏十一都中峰頭黃其嶽妻

黃氏名愛英一都橋東坑故儒士謝啟梅妻年二十六寡事翁姑撫幼子以節終其身

黃氏邑九都玉阪王學美妻年二十六夫逝遺孤三人氏貞潔自守

撫之成立卒年四十六

俞氏劉知海妻夫死氏年十九卒年三十

劉氏名喜妹邑候選州同許訓年妻內柔順外莊嚴生平言笑不苟事翁姑以孝相夫子以道課子媳以慈闔宅老幼無不愛敬之夫病三年侍奉藥湯刻不離側夫卒椎心泣血謹守遺命勤儉治家所餘米穀悉出平糶鄉里稱之

余氏翁夢雷妻年二十四喪夫孝翁姑撫孤子年六十二卒光緒癸卯秦學使旌

張氏黃侍忠妻年二十三侍忠故氏誓不改嫁現年六十一宣統元年蒙給匾貞石鐫華

林氏邑廩生聶夢麟妻年二十七夫以瘵疾卒守節撫孤雖親戚罕見面焉年四十八卒未請旌

劉氏邑人聶汝德妻年二十其夫死氏矢志柏舟三十歲卒未請旌黃氏名碧香舉人黃嵩元女副貢林際暄妻暄歿子伯魯幼督其誦讀稍長命赴福州師範學校修業不幸魯夭逝乃立夫弟鶴官子伯春爲嗣氏事翁姑如父母教子必以義方其孝行賢德洵有足多者

范氏名春使五都黃朝鑑妻年十七夫歿乃立夫弟朝端子孔旺爲嗣得甘旨必以奉姑嗣子天亡二孫尙穉氏與媳王氏同作苦每紡織至夜分不輟族鄙賢之

詹氏名嫩妹六都劉慶湘妻年十九歸劉纔數月湘歿氏哭之慟飲食不入口妯娒勸之曰爾有遺腹倘占震則爾夫之祀不絕何死爲氏姑從其言未幾生男愛撫備至氏以憂鬱卒

陳氏名月英邑庠生劉開選妻年十五歸選選體故虛弱氏奉湯藥侍晨昏少安寢未幾選以瘵死氏慟哭逾恒居夫喪三年啜泣之聲無少間孝事翁姑撫遺孤長成爲之治產授室家政皆氏一身肩之卒年六十有一

毛氏名淑毬二都滌上文庠劉欽亮妻夫故孀閨苦守擇夫弟之子景川爲嗣愛如己出且妯娒和睦凡內政皆氏主之卒年四十有六

陳氏名春蓮七都黃棟能妻年十六于歸甫數月夫歿乃立夫兄棟超子翼賢爲嗣愛逾己出氏勤儉善治生產孝養翁姑晨昏無怠督課兒孫必以耕讀爲事宣統元年提學使司姚文倬旌現年六十一歲

黃氏十七都陳世財妻夫歿子道華甫五齡撫孤守節茹苦含辛雖親鄰有欺之者氏不與較惟督子勤儉力農卒年七十七宣統二年旌

吳氏名招弟邑二都李克溥妻宣統庚戌年旌

黃氏邑四都麟洞鄭乃聖妻性和順年二十四夫歿守節食貧不懈緝織孝養翁姑撫兩孤長炳鈞次炳銘均成立卒年七十有八

許氏名若蘭候邑武庠生張寶林妻十九于歸次年失偶堂上有姑竭誠奉養氏粗解文字一切家政皆其料理育一子以養以教厥後子亦成名論者皆稱其得力母訓云

吳氏名論使許興鈿妻年二十九喪偶子甫七齡氏耐勞守節孝事翁姑儉勤課子手創門楣晚年家道小康鄉有義舉不吝捐金族鄰有告貸者雖不能盡如其意亦常懷矜恤之心宣統二年邑令沈先大給獎民國七年四月以疾終年六十有三

蘇氏邑福斗村黃必光妻也年二十五夫歿孀守孝養翁姑不幸遺孤幼殤擇立夫弟必周之子承繼夫嗣氏現年六十有八其節操爲閭里所稱道

鄢氏舉人鄢韶成女粗通經史年十六適吳其奎二十六歲夫故氏痛不欲生以翁姑在堂子汝舟僅六歲忍痛治家盡厥孝慈且勤紡績工鍼黹積產千金誠節婦中才見者

黃氏名二妹六都劉亨忠妻夫歿遺一子甫三齡氏堅貞守節孝養高堂撫孤成立年四十一卒

許氏名賽嬌年十四歸劉亨紹爲室紹於民國七年冬病故氏年二十二誓以死殉妯娒防密不得聞氏乃故變態度有勸其改醮者氏僞許之越兩月乃乘間薰沐更衣縊於樓上貧無以殮族人義之爲之鳩貲殯殮葬於夫塚之右

鄭氏五都生員黃秉鈞妻民國六年三月內務部呈請 大總統褒

揚節孝獎給黃綬銀質褒章又節勵松筠匾額一方

吳氏名英弟十六都陳熊臺妻性貞靜寡言笑夫卒氏守義舅姑在堂孝養備至治家井井有條督課兒孫以嚴爲主鄉黨稱之現年五十三歲

鄭氏一都桂林坑翁世訓妻夫故子幼家綦貧無立錫地氏耐苦孀守日以牧畜度活自甘藜藿撫孤長成子泰統承母志治農業由是家漸充裕而氏猶儉以爲訓操作愈勤手搆新屋以居子孫卒年七十二

黃氏六都故儒士劉經傳繼室年二十八夫歿二子均幼家貧如洗氏紡績維勤堅貞守節年六十七卒

閩清縣志

卷八

列女傳

四十八

吳氏劉長熾妻年二十四歲守節卒年四十四

陳氏名六妹劉增金妻年二十六歲守節卒年四十四

黃氏劉貴槐妻夫死氏年二十九守節家貧如洗日夜勤紡織只食粗糲生四子尙幼督之耕作終以勤儉起家卒年七十餘

劉氏朱成圖妻年二十七守節卒年四十七歲

劉氏朱舜喜妻年三十守節卒年七十五

鄭氏邑十七都飯宅村謝揚齡妻年二十四夫死無子僅一女氏矢志守節擇夫姪兆清爲嗣撫若己出及長爲之婚娶不幸嗣子兆清又無祿與媳陳氏共處孀閨寒燈相對其苦節殊可哀已卒年七十

劉氏邑十七都黃土崙朱增玉妻年二十四增玉死遺一子其隆方三歲家貧無以自存氏操作維勤藉女紅以養活撫孤成立守志不渝里黨賢之卒年五十有二

姚氏名興妹十六都樟峰村陳希富妻邑歲貢姚得彬女也年三十守寡遺二子均命業農勤儉治家堅持苦節生平寡言語闕外不聞其聲卒年五十五

羅氏邑四都橋頭陳端茂繼室年二十四失所天矢勤矢儉鞠子成立宗族重之年七十七卒

黃氏邑四都橋頭陳方朗妻溫恭和順年二十八夫亡撫育幼子且孝於姑不憚紡織之勞年四十四卒

閩清縣志

卷八

列女傳

四十九

許氏名金菊邑四都橋頭陳木紀妻年十九失所天家赤貧且無戚族可倚氏撫孤子復早夭遺腹孫韶發賴氏養活稍長卽勉嚮學人稱其賢卒年六十五

劉氏十七都菜埕鄉高義渠妻年二十三而夫死子幹光甫三歲撫之成立卒年五十三

龔氏一都橋東坑謝智孟妻年十八夫故有孕六個月後生男兆誌氏守節撫孤事姑至孝卒年三十六歲

劉氏名順香邑車墘村黃德豐妻年二十四夫故守義不嫁忍淚撫孤年六十八卒

葉氏邑十都瀛洲村監生張祖順妻氏適張七載生子二生女一順

忽構重疾氏奉湯藥衣不解帶又以利刃刺指灑血繕狀投神願減己齡以延夫壽無如順病入膏肓終不起氏年二十四臨喪一慟幾絕咯血數升妯娌輩以姑老子幼勸之始稍進飲食措理家政備極艱苦事兩姑撫孤子克盡婦道現氏夫週花甲孫曹林立誠守貞而獲晚福焉

侯氏黃振順妻年二十五振順故氏日夜紡績孝翁姑撫子女現年六十三

張氏邑庠生黃紹韓妻年二十三夫故氏哀慟欲絕育有四女尙無子息夫弟紹度以長子大淇嗣之氏以老姑在堂遂強抑愁懷親奉甘旨深得姑之歡心復能和睦妯娌教誨兒女及長爲之婚嫁

子大淇早入邑庠能紹祖父書香皆氏之力也現年六十有一

池氏名寶珠許振玉妻年二十六喪偶貞操自矢貧撫一孤惟以詩書課之雖未成名幸能立業光緒中戴鴻慈學憲給獎現年七十有一

黃氏名連弟邑六都陳仁漢妻年二十夫歿男紹基甫三齡氏勵節撫孤成人百般鞠育備歷艱辛課子訓孫族鄰咸欽羨之現年七十有五

許氏十一都故儒士黃祿振繼室年二十二寡子家瓊甫三歲氏性貞靜溫淑深明大義善事姑訓子有方六都創設文泉書院氏捐資二百金以襄盛舉現年五十有五

黃氏五都埔頭邑生員蘇鍾英妻年三十寡生三子俱幼氏上奉翁姑下撫幼孩朝夕不倦厥後子均成立族黨賢之
鄭氏十一都池園黃振珩妻性端莊靜一于歸纔數載卽歌寡鵠子樹萱尙在襁褓氏鞠育恩勤凡井臼縫紉之事以及米鹽瑣碎莫不悉心整理治家井井有條自奉儉待客豐鄰里貧而求貸者輒慨然與之不少吝現年六十有三

黃氏名淑英邑生員黃鴻元女也識文字能講解列女傳年十九歸十七都吳安瀾舉一子名亨不幸夫卒氏孀居守節孝事重闈及其歿也厚於喪葬並命子就外傳賢聲播於閭里

劉氏名却使七都黃紹忠繼室年十七于歸纔十閱月夫卽攫疾卒

乃立夫姪尹任爲夫後撫如己出氏現年六十有七

林氏名賽娥七都黃紹黨未婚妻年十一夫暴卒氏號慟幾絕誓欲從死旋念翁姑須養夫嗣未立乃苟延殘喘以盡仰事俯育之道孀守四十年足少出闕現年五十歲人皆欽其苦節

黃氏六都張開棟未婚妻年十二爲張幼媳越三年夫死氏一志守貞事舅姑撫嗣子不遺餘力現年六十九歲

范氏十都前斜村黃懿圖妻事翁姑至孝夫病篤氏刲股作羹以進尋愈年二十七夫歿三子俱幼氏奉堂上撫幼孤各盡其道現年五十一歲

林氏名淑英邑故儒士劉學水妻年十九歸水無何水病瘵殂氏年

剛二十四呼天搶地幾不欲生顧念呱呱在襍不忍遽死氏居孀
幃足未嘗涉外勤紡績日夜不輟子開獻幼卽命之從師壯入邑
庠足慰苦節氏以子孤弱尤憐愛之凡家事悉躬任翦莽擁篲操
作類男子光緒二十二年學憲王錫蕃給匾音曰松柏長青現年
八十有一

張氏名春鶯六都劉忠燿妻現年五十有二

陳氏名冬妹六都劉長庥妻夫習舉子業命不逢時屢困場屋竟以
瘵疾死氏方二十六歲矢志柏舟勤撫遺孤今氏年已古稀矣

夏氏許祖慶妻早歲喪夫現年五十餘歲

許氏名愛蓮黃敏忠妻二十九歲喪夫遺一女一孤家又中落氏甘

心守節食貧居賤爲子女完婚嫁事幸天憐苦節孫曹林立家產
漸復現年六十三歲

黃氏名珠使許祖煌妻二十六歲守寡孝敬堂上撫育一孤一媳積
累成家今則孫曹蔚起頭角崢嶸饒有含飴之樂現年五十七歲
溫氏名瑞英十六都陳枝梅妻二十一歲夫卒遺孤二長銓邦四歲
次炎邦二歲矢志孀守紡績維勤撫養二子俱成立現年五十有
三歲侍奉老姑猶未嘗須臾離也

劉氏名細妹二都文庠蔣莘農妻三十歲夫歿氏事姑撫子孀守孤
幃現年七十有八

池氏十六都陳煥章妻年二十九歲夫卒遺孤二長譽豐八歲次譽

舉六歲氏矢志守寡孝養翁姑撫育二子一經商一讀書均已成名現年六十四歲

胡氏名五妹五都黃乃成妻育一女尙幼夫故氏守寡日夜勤治女紅以供家計撫女及笄擇婿配之現年五十有二

鄧氏十六都文庠陳啓欽妻夫入泮未一年氏年二十餘孀守撫有一孤業已成立不幸遠涉南洋身歿於外氏飲冰茹蘖與媳同之僅遺幼孫未離襁褓其節比人有更苦者現年五十有五

陳氏名蘭弟邑庠生黃寶善妻年二十六夫病瘵卒只育一女氏苦守閨幃貞心自矢和睦妯娌勤儉治家撫夫姪祥禧爲嗣使業農女子歸時妝奩均如禮且爲子授室以衍宗嗣生平積銖累寸至

晚年手創門楣女中丈夫氏足以當之矣

楊氏六都李朝榮妻宣統辛亥年提學使姚文倬獎以松柏冬青四字現年六十有七

張氏名雪金六都黃茂琚妻年三十歲夫歿守節現年五十九

林氏名居弟六都黃茂理妻年二十歲夫歿守節現年五十八

陳氏劉訓行妻年二十九歲守節現年六十二

黃氏劉祈釗妻年二十一歲守節現年五十一

許氏劉亨銓妻年二十九歲守節現年六十四

顏氏劉長發妻年二十三歲守節現年六十八

陳氏劉善能妻年三十歲守節現年七十二

池氏名金蓮劉宗泗妻年二十七寡現年七十歲
侯氏邑庠生劉樹藩妻年二十六寡現年七十五
黃氏劉知遺妻年二十九歲守節現年六十四
黃氏劉家義妻年二十二歲守節現年七十
蘇氏劉知顯妻年二十五守節現年七十五
林氏名金鶯六都劉貴昂妻年二十九守節現年七十
黃氏劉知宜妻年二十二守節現年五十二
羅氏劉仁魁妻年二十四守節現年五十八
許氏朱舜開妻年三十守節現年七十二
林氏朱舜思妻年二十六守節現年六十四

張氏朱增球妻年二十九守節現年六十四
黃氏六都劉振莊妻現年六十有二
羅氏四都前山村劉家瑞妻十九于歸夫歿年二十八無立錐地忍
饑以哺兩孤含辛茹苦三十餘年如一日節操凜然現年五十九
陳氏二都園頭村劉明信妻年二十八失所天撫養孤子冰霜勵節
現年七十七
林氏年十四歸邑十七都武山村謝亨銘逾二載夫死家極貧或勸
之嫁氏曰早失所天吾之命也因貧而嫁非吾之志因作女紅以
自給族人高其節爲之立嗣氏現年五十二
江氏邑十七都飯宅村謝炎銓妻年二十八夫死家貧子幼苦守孀

閨性沈靜不聞言笑撫育孤雛備嘗艱苦現年五十五

徐氏名月蘭邑二都黃祥忠妻家貧莫給而氏無怨言及夫卒遺兩孤家益窘日夜勤女紅以自給雖饑寒交迫而氏隱忍不言人莫知其苦也自氏于歸後以至於今宗族鄰里無一齟齬者現年八十一歲光緒癸卯年旌

劉氏名連弟邑二都黃世忠妻十九歲歸世忠生二子一女未數年夫病廢不能治生家中落氏年二十九夫歿矢志孀守撫孤奉姑治家訓子井井有條里人咸稱羨之現年七十有三

曾氏名穆娥邑二都劉顏豪妻年二十八守節現年五十有九黃氏名桂英邑二都劉顏香妻年二十二守節現年五十六

閩清縣志

卷八

列女傳

五十五

吳氏名招弟邑二都黃梓忠妻年二十六守節現年五十八

羅氏武生蕭鳴華妻年二十夫故未育男女矢志孀守奉侍舅姑撫姪爲嗣現年七十有一矣

楊氏年二十一歸十七都大雄村劉亨韶逾年夫死無子以夫兄亨賡子乃美爲嗣撫之成立守節三十年現尙存

楊氏名淑英邑三都廩生許集元側室性貞靜深明大義元病篤楊氏孕兩月元又慮其生女也請於兄琛璧曰弟不祿願以兄之第四子域圖爲嗣兄諾之元逝楊方二十四歲越數月果生女與夫元配黃氏同室王氏教養子女數十年來無閒言不幸域圖又早夭遺二孤尙幼黃氏王氏復相繼逝氏又與媳黃氏忍饑熬寒撫

孫成立氏現年七十有四媳亦年六十有八孫曾繞膝里黨欽之
朱氏十七都飯宅村謝吉林妻年二十七喪夫矢死守節家貧傭工
以自給撫子長成現年六十五
黃氏名梅姊邑九都四甲俞其璋妻年二十九夫故上事舅姑下撫
兩孤長名景芬次名賢官均已成立氏現年六十有七
陳氏邑六都翁世岑妻年三十守節現年八十有二
陳氏名阿冬邑車墘村黃德謨妻年十六喪夫矢志守貞現年六十
有四
朱氏邑六都陳立相妻年二十二喪夫守節撫孤六十七歲壽終子
捷祥武舉人

閩清縣志

卷八

列女傳

五十六

陳氏縣學生羅步洲妻	詹氏縣學生孫汝濂妻
朱氏謝邦爓妻	許氏何玉孝妻
何氏黃元宗妻 <small>通志作黃何宗</small>	池氏貢生林一舉妻
林氏許文滄妻	周氏詹君日妻
游氏諸生詹鳳騰妻	周氏詹颺昇妻
謝氏劉承謨 <small>一作元豐</small> 妻	
林氏邑武生黃定國妻 <small>子見龍婦林氏孫鍾婦翁氏俱乾隆間旌</small>	
王氏陳曾周妻	林氏許學亨妻
吳氏張爾盛妻	孫氏諸生毛雷鳴 <small>一作雷鳴</small> 妻
林氏孫克繩妻	蕭氏王仲啟妻 <small>一作承祐</small> 妻

許氏劉世乾妻
守年節二十

余一作蔡氏劉有科妻

余氏陳國生妻

毛氏張沛然妻

羅氏蔡天益妻

林氏高振鳳妻

黃氏劉承泰妻

許氏劉祖樞妻

姚氏劉世芳妻

池氏劉承弼妻

彭氏劉世高妻

張氏劉日章妻

謝氏劉炳坤妻

黃氏劉程魁妻

詹氏劉世鼎妻

鄭氏劉本秋妻

許氏劉為純妻

張氏劉振銘妻

吳氏劉承莘一作元衡妻

王氏許習璉妻

閩清縣志

卷八

列女傳

五十七

張氏許習高妻

劉氏許習構妻

王氏許啟駟妻

陳氏許天香妻

劉氏許德春妻

池氏許良淳妻

劉氏許時賢妻

鄭氏張簡修妻

姚氏毛鷺峰妻

鄢氏汪崇榮妻

劉氏汪健哲妻

劉氏汪崇斗妻

吳氏池孟靜妻

方氏池孟蘭妻

鄭氏池孟權妻

林氏池品貞妻

陳氏包賢朝妻

汪氏包開容妻

廖氏俞希洽妻

羅氏諸生徐光珩妻

余氏徐永道妻

余氏嚴裕波妻

黃氏嚴裕軒妻

林氏聶有甸妻

黃氏蕭為和妻

劉氏方學璧妻

薛氏戴學淥妻

吳氏盧傳璋妻

黃氏翁卿貫妻

李氏甘雲龍妻

劉氏謝正琮妻

陳氏翁應朝妻名金宋

黃氏劉學理妻

理歿自經年二十四日側

毛氏鄭沛然妻

鄭氏四都許元璉妻

黃氏六都劉登鯨妻

黃氏六都劉祖輶妻

詹氏六都劉貴源妻

某氏黃仲岳妻

姓失考

池氏劉為楷妻夫病刲股終以進不效

閩清縣志

卷八

列女傳

五十八

俞氏劉章攀妻

詹氏劉章舉妻

池氏劉章魁妻

詹氏劉有巧妻

許氏劉有椿妻

黃氏劉有元妻

杜氏劉有燦妻

羅氏劉有璽妻

彭氏劉有天妾

翁氏劉本康妻

魏氏黃鹿鳴妻

許氏黃用中妻

翁氏黃祖台妻

施一作池氏黃清亨妻

劉氏黃宏淵妻

鄢氏黃師顏妻

龔氏孝廉方正劉廷燈繼室

黃氏劉承輔妻

羅氏劉祖光妻

林氏劉本崇妻候官人

張氏劉本重妻

毛氏劉璿璣妻

林氏劉有梅妻

張氏劉元宣妻

張氏劉聿堅妻

張氏劉爾英妻

楊氏劉大華妻

王氏劉大拔妻

黃氏劉惟精妻

張氏劉盛經妻

甘氏劉為治妻

楊氏劉洪惠妻

陳氏劉超瀚妻

池氏劉湯美妻

嫁逾月
守節

黃氏劉元宰妻

許氏劉為儀妻

鄔氏劉本歡妻

黃一作方氏劉衣齊妻

方氏劉本苑妻

子光華
武舉

許氏劉程謹妻

閩清縣志

卷八

列女傳

五十九

許氏諸生劉元麟妻

黃氏劉鴻妻

黃氏劉為哲妻

楊氏諸生劉承誥妻

邱氏劉贊猷妻

林氏劉為高妻

黃氏劉為懷妻

邱氏諸生劉國琛妻

黃氏六都劉道流妻

黃氏六都劉道德妻

黃氏許學惠妻

邱氏六都翁叔居妻

劉氏十七都湯下村翁金福妻

林氏邑增生劉禹瑗妻

黃氏邑武庠劉騰妻

張氏劉運鍾妻

池氏黃世尊妻

劉氏黃祖親妻

劉氏黃曰仁妻

李氏黃存禮妻

張氏黃碩棟妻

許氏黃尙班妻子副貢棟步青婦劉氏

俞氏黃宗象妻

邱氏黃隆枝妻

林氏黃尙珖妻

林氏黃阜宗妻

鄭氏黃宗記妻

詹氏黃隆宋妻

劉氏諸生黃隆健妻

鄭氏黃宗振妻

翁氏黃高海妻

吳氏黃名揚妻

俞氏諸生黃聯魁妻

劉氏黃建岳妻

許氏黃家聘妻

郭氏黃國頌妻

許氏黃達三繼室

陳氏貢生黃成金繼室與姑稱雙節

吳氏諸生黃登虬妾

劉氏諸生黃成錦妾

閩清縣志

卷八

列女傳

六十

劉氏黃成龍妻

劉氏黃啓基妻

劉氏黃宗岐妻

陳氏黃宗褒妻

陳氏黃宗亨妻

池氏黃宗祥一作常妻

錢氏黃曰明妻年十八守節

徐氏黃統宗妻

鄢氏黃隆在妻

陳氏黃隆蒙妻

劉氏黃隆綏妻

劉氏諸生黃淑揚妻

某氏黃湖章妻姓失考

劉氏黃善章妻

羅氏黃維揚妻

張氏姚元鼎妻

黃氏林爲用妻

黃氏諸生林圃妻

黃氏林世標妻

鄢氏林聖禮妻

謝氏林聖宗妻

鄭氏林聖哲妻

許氏林得珠妻一徐氏

何氏林蒙賢妻

周氏林輝望妻

王氏林嘉天妻

池氏林振文妻

方氏林聖英妻

黃氏林仲振妻

翁氏林孟專妻

鄭氏林振就妻

劉氏陳文斗妻

朱氏陳天一妻

鄭氏陳欽彩妻

劉氏陳欽郁妻

張氏陳孟存妻

林氏陳永輝妻

羅氏諸生陳學禮妻

李氏陳天南妻

林氏陳世周妻

閩清縣志

卷八

列女傳

六十一

劉氏陳家鳳妻

張氏陳家節妻

黃氏陳光國妻妾程氏二十守節

鄭氏陳世尊妻

劉氏許友能妻

張氏許名揚妻

池氏許光春妻

朱氏許光通妻

劉氏許良遇妻

劉氏許一貫妻

劉氏張爾起妻

龔氏諸生張丰妻子翼舉人

鄭氏張恭崇妻

詹氏張彬繼妻

許氏諸生張兆基妻

鄭氏張光修妻

溫氏張繼修妻

劉氏張瑞和妻

王氏張裕吉妻

許氏張崇楷妻

劉氏張彬疇妻

劉氏張恭獻妻

劉氏諸生張贊文妻

吳氏張鳳及妻

黃氏毛姬祚妻

趙氏毛麟光妻
林氏

王氏毛崇亮妻

張氏毛學謨妻

林氏毛世焰妻

陳氏王性豔妻

江汪一作氏王旦性妻

劉氏王中和妻

余氏王性永妻

黃氏王德師妻

黃氏高掄元妻

吳氏池濬臨妻

齊氏池章發妻

顏氏包子澤妻

林氏俞希瀧妻

邱氏翁則行妻

閩清縣志

卷八

列女傳

六十二

黃氏諸生翁則哲妻

陳氏武舉翁和妻

張氏翁玉成妻

林氏翁淑薦妻

劉氏翁國璫妻

黃氏翁則夏妻

林氏翁則智妻

黃氏翁承益妻

池氏翁繼永妻
年二十
守節

黃氏翁則聘妻

陳氏翁維豐妻
十一作
十八守
妾節

許氏翁維容妻

黃氏翁繼鼎妻

李氏甘又騰妻

林氏謝聖繼妻

張氏錢啓樂妻

黃氏鄭右理妻

池氏鄭右誠妻

許氏鄭右恩妻

陳氏鄭積璣妻

劉氏鄭上麟妻孟子聖賢婦鄢氏

黃氏鄭本祖妻

林氏鄭清穆妻

林氏鄭蘭滋妻

羅氏翁聖壽妻

姚氏杜永履妻

胡氏吳師臨妻

陳氏吳騰鸞妻

張氏吳洪震妻

黃氏吳允燈妻

俞氏余鼎志妻

吳氏余天宜妻與姑稱雙節

陳氏余啓章妻

范氏余學恭妻

邱氏余國楨妻

鄭氏侯一舉妻

鄭氏侯一發妻

林氏邱希量妻嗣子必達婦劉氏張氏

魏氏邱仕波妻

劉氏邱大美妻

閩清縣志

卷八

列女傳

六十三

許氏游龍朝妻

蘇氏傅士榮妻

羅氏蘇東威妻

陳氏周佳錦妻

劉氏溫廷美妻

張氏李長青妻

黃氏郭肇陽妻

王氏郭文俊妻

黃氏朱昭封妻

葉氏諸生朱世顥妻

吳氏卓衡端妻

楊氏葉子和妻

林氏章光亮妻

許氏黃本敏妻

張氏李昌懷妻夫卒無子年二十六即日殉年二

游氏林建書妻

張氏黃訓方未婚妻守節八年十四年同治八年奉旨建坊

林氏邱貴商妻守節五年十年旌 吳氏十一都中峰黃其嶽妻

林氏七都黃棟水妻	姚氏十一都池園陳大昕妻
李氏十一都陳詩道妻	林氏十一都陳恒道妻
方氏十一都陳崇道妻	吳氏十一都陳尹規妻
翁氏十一都黃立棟妻	劉氏十一都黃興振妻
林氏十一都黃球振妻	黃氏十一都李孝雍妻
黃氏十一都李孝宣妻	曹氏二十二都後洋余清基妻
黃氏二十二都小滌許邦泰妻	楊氏二十二都溪坪張世輔妻
池氏二十三都關峰張武弟妻	楊氏二十三都金林王福祥妻
盧氏五都黃貴棟妻	劉氏七都坪街黃偉棟繼室
邱氏五都黃紳棟妻	盧氏五都黃榕棟妻

杜氏名賽英五都黃其倫妻	吳氏五都塔庄黃弼午妻
劉氏五都黃棟情妻	林氏名愛玉五都黃振楷妻
林氏五都黃瑞蘭妻	王氏名招弟五都黃訓傳妻
黃氏名珠仙五都霞邊詹宗居妻	
王氏名雙貴七都林正位妻	林氏五都黃果棟妻
俞氏五都黃慶同妻	蘇氏九都俞倫曾妻
黃氏五都茶口林和進妻	張氏五都龍溪黃仁駘妻
劉氏五都黃才炎妻	范氏五都黃國春妻
韓氏五都黃隆旺妻	林氏五都黃經淳妻
劉氏名桂英五都黃振圖妻	黃氏邑治溫禮恭妻

陳氏邑治劉金官妻

黃氏邑治池仁貴妻

曾氏一都鄭傳榮妻

吳氏一都鄭錫疇妻

吳氏九都王而壽妻

劉氏九都嶺裡陳國芳妻

邱氏九都山邊林昌瓊妻

黃氏六都溪頭埔張開杞妻

李氏六都溪頭埔張開椿妻

黃氏六都下杭池廷機妻

胡氏六都劉登魁妻

黃氏六都劉貴顯繼室

黃氏六都武舉劉鑑忠妻

黃氏六都劉鑑波繼室

尹氏六都劉疇傳妻

現十年

池氏劉懿灑妻

張氏劉善徽妻

陳氏劉長見妻

陳氏劉長震妻

余氏劉長枝妻

閩清縣志

卷八

列女傳

六十五

朱氏六都劉溶光妻

黃氏六都劉啓榕妻

陳氏六都劉翊璿繼室

名威宜

劉氏六都黃宏淵妻

劉氏六都黃良清妻

王氏劉紹煥妻

黃氏劉發明妻

黃氏劉發琳妻

林氏劉貴嵩妻

黃氏劉金騰妻

詹氏劉善冠妻

黃氏劉善綏妻

林氏劉善柏妻

黃氏劉知鴻妻

黃氏劉道洪妻

吳氏劉亨琳妻

許氏六都塘邊黃傳標妻

黃氏二都黎瑞雅妻

王氏二都李大瑞妻

王氏二都李登忠妻

龔氏二都李遺忠妻

姚氏六都文庠黃一經繼室

汪氏六都上汾翁維枝妻

劉氏六都上汾翁世芬妻

黃氏邑六都庠生翁拱南妻

劉氏五都塔庄黃翼乾妻
名阿香

林氏邑五都庠生黃際樞妻年二十九寡卒年七十有二咸豐間旌

蘇氏邑六都塘邊陳常璋妻年二十六夫故家貧守節撫養孤雛至

四十六歲疾終

許氏邑六都玉阪劉豫亨妻于歸後恪守婦道豫亨好游蕩氏婉勸

之不聽繼之以泣及豫亨卒異常哀慟以上有老姑忍淚奉侍二

十歲守節現年五十

黃氏名珠容邑廩生黃聯瑋女歸文童劉長稷稷文戰未售鬱鬱致

疾氏服侍湯藥晝夜弗懈無何稷死氏痛不欲生以有幼女故復

勉強撫育二十歲孀居現年五十

謝氏邑六都新壺里黃良謀妻年二十夫亡氏守節撫孤現年五十

補遺

劉氏鄭佑詩妻年二十三歲寡居長子纔三歲次遺孤甫四月氏仰
事翁姑俯育兒息守志不移卒年七十有一嘉慶間旌以節操流
芳匾音

吳氏邑十都坑口村黃懿程妻年二十四歲生一女二男程染病故
氏以姑老子幼竭力事畜矢志守貞現年六十有六

流寓傳

松風堂古李忠定久作寓公武夷巖高游定夫亦留芳躅名賢至止
泉石生光未始非地因人重也閩清彈丸小邑然外接大江爲上下
游往來所必經之地有尋幽訪勝暫寄游蹤者有置散投閒久居客
地者今雖前徽已渺祇餘芳草斜陽後之人猶得指前哲僑居之地
而爲之流連慨慕焉纂流寓傳

朱文公於僞學之禁避跡無定所其於閩清凡數至所歷名勝題識
殆徧如廣濟巖之溪山第一白巖之八閩嶽祖皆其親筆現勒石
尙藏第不知居停何地想亦只在林正卿兄弟處也

陳 韡字子華諡忠肅宋陳北山先生冢子也淳祐七年夏四月以

公知樞密院事出爲湖南安撫大使九年五月罷公愛梅溪山水
清秀由福州芙蓉園別業買舟抵白雲山流憩焉由山西行二十
里水斷川分小溪橫焉地當上游孔道因買舟濟之名曰白雲渡
以水由白雲山流下也渡之旁構屋三楹爲往來憩息之所鄉人
以長老稱之至今猶名爲長老莊焉按公於白雲山歲嘗三四至
蓋公雖非生長於閩清而志慕閒散一邱一壑亦其怡情處也

方外傳

聖王在上納民軌物之中無所謂畸邪之行也秦漢以降聖道榛蕪佛老之說始熾然其人率皆脫屣富貴抗志煙霞卽莊子所謂遊於方之外者也閩清山水融結代產英賢而巖穴之士緇黃之流其矯不羣翛然塵外者亦數數見焉夫水之正出者爲檻泉其旁出者爲汎泉猶道之循乎正軌者爲聖賢道之衍爲旁門者爲仙佛也昔班志列儒墨道家九流各推其所長而蔽於所短吾亦舍短從長而已纂方外志

漢

徐 登邑人本牧兒牧牛山巔一日聞樂聲出林杪緣崖造觀至則

閩清縣志

卷八

方外傳

一

有二人奕棋拱立良久遺徐一棋子叱令歸歸卽精解手談時碎瓦器爲子布地作局縱游巖上往往與二人遇遂得修行燒煉訣有趙眞君炳不遠千里訪之以所得秘密與之參契徐喜酌酒飲草廬中時霜月草木凋空徐曰承遠訪無以爲樂以餘瀝一噴頃林花遍開後功行成遂於名山寺上昇鄉人立徐趙二眞君祠祀之每遇旱蝗禱無不應詳見宋張世南高蓋山記

趙 炳浙之東陽人後與徐眞君同上昇詳見徐登傳又按省志稱徐能禁水不流趙能噴酒著樹輒成花與前互異姑並載之以俟
考核

唐

楊真人邑人嘗修真於玉臺山後卽於此上昇鄉人築臺祀之

宋

白玉蟾字白叟號瓊琯本姓葛名長庚邑人母氏夢食一物如蟾蜍而分娩時大父有興董教瓊州真人實生於瓊紹熙甲寅三月十五日也祖父繼亡母氏他適因改姓白真人天資聰敏髫齡時能詩賦背誦九經十歲來廣城應童子科主司命賦織機詩卽應聲詠曰大地山河作織機百花如錦柳如絲虛空白處做一匹日月雙梭天外飛遇泥丸真人陳翠虛攜入羅浮未幾徧遊名山於黎母山中遇神人授以洞玄雷法能呼召雷雨馘攝精魔開禧丙寅冬又師事翠虛於羅浮學其太乙刀圭之妙九鼎金丹之書長生

久視之道紫霄嘯命風霆之文出入有無飛昇隱顯之術嘉定癸酉翠虛假水解於臨漳復出於武夷悉授諸玄秘於真人蓋九年之間盡得其旨乃披髮佯狂遊於海上號曰海瓊子一號瓊山道人一號蟾庵一號武夷散人一號神霄散吏一號紫清真人自謂同紫元紫華真人乃紫清也三人乃紫微垣中九皇星之三星也因悟校劫運之錄降人間十世凡章奏則曰金闕玉皇門下選仙舉人臣白玉蟾真人自得道之後蔬腸絕粒喜飲酒不見其大醉大字草書若龍蛇飛動兼善篆隸尤妙梅竹而不輕作自寫其容數筆立就工畫者不能及自讚云神府雷霆吏瓊山白玉蟾本來真面目水墨寫霜縑乙亥之冬武夷詹氏之居火光墜其家延真

人拜章以禳之而大書一符於中庭是夕聞戶外萬馬聲有呼云火殃已移於延平某人家驗之果然信慕益衆時言休咎驚動輿俗人有疾苦或草或木或土或炭隨所得予之餌者輒愈丙子春過江東憩龍虎山先是宮主王南圮感夢甚異夙興而真人至上清籙纔一閱記誦無遺至於符篆亦不少差歲旱諸羽流誦木郎神咒弗應真人乃爲改正誦之果兩人疑爲張虛靖後身戊寅春遊西山適降御香建醮於玉隆宮真人避之使者督宮門力挽真人回爲國陞座觀者如堵又邀真人詣九宮山瑞慶宮主國醮神龍見於天具奏以聞有旨召見真人遁而去天子賜以養素之褒笑而不受己卯自洪都入浙訪豫王僧孤雲率諸僧來迎以真

人博極羣書貫通三氏昔究禪樾欲求其爲僧以光叢林製衣鉢物物備具真人笑曰吾中國人也生於中國則行中國之道理也若以夏變夷背天叛道吾不忍也禪宗一法吾嘗得之矣是修靜定之功爲積陰之魄以死爲樂涅盤經所謂生滅滅矣寂滅爲樂是也吾中國之道也是煉純陽之真精飛昇就天超天地以獨存以生爲樂也故曰本乎天者親上本乎地者親下夷夏之道有所不同道不同不相爲謀也孤雲奇其言亦從事於道焉於是釋氏而求詩文者踵門如市真人舟常過鄱陽湖篙師值日暮議泊真人翦紙月嘯於檣端皎然達旦而舟行無阻又常泛舟西湖出沒隱現變化莫測壬午孟夏伏闕言天下事沮不得達因醉執逮京

尹一宿乃釋既而臣僚上言真人左道惑衆羣常數百人叔監丞坐是得祠十月真人至臨江軍慧月寺之江月亭飲酣袖出一詩與諸從游談未及展玩已躍身江流中諸從游疾呼援溺真人出水面搖手止之而沒洪都之人皆謂已水解矣是月又見於融州老君洞由是度桂嶺返三山復歸於羅浮紹定己巳冬或傳真人解化於盱江真人嘗有詩云待我年當三十六青雲白鶴是歸期以歲計之似若相符逾年人皆見於隴蜀又未嘗有死競莫知其所終按尹子曰十年死者十年得道是得道之速也死者煉就純陽之真精消盡積陰之渣滓故棺空而無尸復見於他邦出入天表與神俱游是謂長生久視無死無生與天地爲一也真人九年

道成而去是得道之速也性真人無極命說云夫道也萬物與命而已○有道者萬物之母也一陰一陽二謂道奇陰耦不窮已二謂生易三矣即道也三坤之中陰入而成坤三離也乃神與形也乾之中陽入而強歟坎乃日月合而成易所謂千變萬化而未嘗減焉然則腎即神者道乎寂然不動蓋乎剛健而遂通蓋喜怒哀樂愛惡欲者存乃命之根矣心即佛之道蓋乎剛健而遂通蓋喜怒哀樂愛惡欲者存乃命之象也所寄也忿則性之火矣降性爲水者坎象也中通如愚專絜致柔故能以坎中於四肢之於陽點破離中之閑邪之存誠終日如愚專絜致柔故能以坎中於四肢之於陽點破離中之閑邪之存誠是謂之復命己復禮復性而至於命則性命之道畢矣斯可與造物曰靜謂之復命己復禮復性而至於命則性命之道畢矣斯可與造物曰者游而柄重濁始又在真元氣則運行乎中而不息道清以爲上地以坤道重濁始又在真元氣則運行乎中而不息道清以爲上

前飢望吃黃鶴未得歸春偶雨然寒放心浪酸到世廬上山幾多在白不蘋煉紅金蓼液間大一還登丹天籟形亭
關養絳宮炎液偃對月景爐無靈臺是寂還大忘玄壇養朱氣乃化是神赤鳳乃血水道銀乃三
神是全正龜在丹黃金庭鉛間分散歸則入眼土耳釜鼻舌忙聚走則居經泥絡丸榮華池閉正五在臟氣六海腑內
人各採有神爲萬藥材朝聚元歸則一有靈散一則零是晝謂夜混河元車精不先暫天後默天契乾大元造亨同聖
一連火行須人調人勻本一有一候剛滴兮金一金候精柔木一液各武半兮斤一二爻十文八心宿天歸節一候爐定一寒水
穀暑陰陽外分不野可分不秦煉水一根日銀八但萬得四黃婆來自紫有庭斗金柄周姹天女輪卽人婚將姻蛻
騰青紫龍雲白丁虎公繞默鼎守黃玉芽爐半交夜媾一溫枝春成九胎曲聚江神頭水飛白滅雪三崑尸崙火山巔
永劍得掃片除晌六中賊間兵可無結中生忽前然四刀大圭生虛丸白中不有覺蠅一娘靈形升誠太清一縱得使卽
工夫未見鉛不耗失火候也徒然大凝堅動靜存亡宜沐浴聖胎凶方進始
圓雖結丹頭終耗失火候也徒然大凝堅動靜存亡宜沐浴聖胎凶方進始
退貴抽添准火一力年綿每自九一轉後交媾後始工可夫煉胎到六一純乾八精神一來周往天
十退二時辰准火一力年綿每自九一轉後交媾後始工可夫煉胎到六一純乾八精神一來周往天

閩清縣志 卷八 方外傳 六

氣知潮柔氣至血仁盈義虧似智月信融一爲仁從真來土三歸寸幅爲妙至處眞都水由火後金木弦專
萬渾物全與神人身花與自意春土風煉鳥乃自使啼魄豈歸造其物根天先爲春一百氣姓今日用存而不在
知氣不入死此肢氣徒卽凋是殘黃松芽竹鉛虛老松可少病凌可健散者長可聚促可人延元
一心偃佺虛神無即行火火兮候氣內卽藥外象爲壺中兮天身須爲知田自塵耕自蓬種菜自烹走煉一葉
山川一粒如黍然靈芝烟日生甘自露有金龜鳥蛇飛古夜常三相纏入一廣朝寒雷子電撼
孫四孫千復百億白爐玉鼎蟾雞眼空四海天嗟無人三十過太平興國到宮白髮張子悟
真孫傳復至億白爐玉鼎蟾雞眼空四海天嗟無人三十過太平興國到宮白髮張子悟
士其姓出陳人子間塵立翠閣對牀風雨夜授以洗丹苦法使還朝元遯人廬何山下
擺手笑姓出陳人子間塵立翠閣對牀風雨夜授以洗丹苦法使還朝元遯人廬何山下
活快活眞快活似君說此燈末後丈後在一何句親分雲付普鶴爲天下去學快
仙蓬萊路然指
出蓬萊路然指
張聖君本永泰農家子以采薪鬻鋤柄爲業在邑白雲寺爲頭陀狀

貌醜怪口能容拳一日入山遇仙人對奕投之以桃苦不可食咽及半棄其餘而歸忽忽若狂絕烟火食草木實能道未來禍福素不讀書奮筆作字得義獻體口占頌偈立成如宿構因度而爲僧人號爲張聖者嘗募造永之高蓋石橋富屋釀金爭先人曰聖者作大功德不可無頌聖者笑曰只兩好事耳石橋半出通判石橋全出狀元及橋方半吳通判某生橋成蕭狀元國梁生其言無不驗者黃中立未第時倦遊太學善人倫鑒者多言油膩天羅屯滯相也中立稍有沮意聖者謂曰待我及第汝當及第復自笑曰僧人及第理所無也旣而中立以張孝祥榜登第孝祥字安國訪聖者乃適住安國寺後於金沙溪大石上坐化鄉人立廟於金沙祀

之詳舊志及通志

薛丕邑人隱居名山後不知所往人咸傳其仙去今鄉人卽其故居立廟祀之廟在護仁里

黃天谷邑人相傳嘗訪徐葛二子於度仙橋後卽於此仙去今六都有廟祀黃法眞卽天谷也

明

盧公祖師永泰人生於天啓四年二月二十九日少出家爲邑普賢寺僧長住持芝山寺苦心修行相傳觀世音曾顯靈異授以真諦自是多行神迹嘗遊五台山有光於坐處見者愈異之後棲於尤邑十九都閭亭清康熙二年九月二十日示寂凡水旱螟蝗祈無

不應今廟貌遍於遐邇

池法師邑鶴汀人素精法術成化八年五月初四日在鳳阪禱雨雨驟至平地水高三十丈

清

黃邦庠法師邑五都塔庄人精於道術道光二十八年旱在積翠巖祈雨俄頃大雨傾盆溪流漲高丈餘

黃法興法師字宗邦邑一都馬坪人少讀書屢試不售夜行經本鄉師公坪拾古銅印一顆驗係道教印章乃棄儒習道後精於符籙之學遠近稱之

民國

任樾逸叟邑六都玉阪人姓劉名任樾少業農性恬靜罕言語壯年患肝痛一夕夢至一處境極清幽有羽人黃冠數人在座旁虛一席呼叟曰此君坐處何一到人間便忘本來面目耶他日上山之獅頭巖是君證果地也叟遽然而醒肝疾隨愈自是恍然有悟不茹葷酒年六十餘乃徒步至上洋爲人傭工意不自適更覓北山邊僻處種蔬度日蓋其上卽獅頭巖也巖高而峭僅一石徑可上叟暇輒登臨歌嘯民國五年六月叟年七十有二一日至上洋親友家辭別曰我將赴武夷山學道明日卽尸解辰也衆疑其伴狂弗信越數日不見叟踪跡衆覓之則已僵立於獅頭巖下下有草一束已成煨燼叟容如生衣服亦不焚煨巖之石隙一劍插焉

堅不可拔衆卽瘞於巖下構石龕祀之

古月和尙邑六都葛坡人朱其姓球官其名性樸誠少習縫工稍有餘積鄉人多從乞貸年二十二欲出家爲僧悉召負債者至家取券焚之遂到鼓山湧泉寺祝髮命名曰古月在白雲洞修真福州翰林鄭錫光與之游贈以新衣及錢均不受日食糲飯而已習禪學四十年日夜趺坐人未見其臥晚愛白巖幽勝亦時往棲息福州靈陽寺則常至焉問休咎者道路不絕師不輕言言輒驗舊歲復入白雲洞將洞門反扃惟一二弟子侍民國八年陰歷閏七月初一日在蒲團上呼弟子曰吾西行矣遂瞑日逝

雜錄

簡編之紀載往往隨風霜兵燹而俱湮是故鄉邦之掌故有時薦紳先生不能言之而偏流傳於一二父老之口此禮失所以必求諸野也夫草野之談雖未必有合於著作之正然古人詢諸芻蕘未始非博採兼收意也閩清舊志篇帙簡畧語焉不詳其軼時見於他說輯而存之亦以供考證之資也纂雜錄

胡銓以乞斬秦檜竄新州一時士大夫畏箝舌莫敢與立談獨王盧溪廷珪以詩送之檜怒坐訕謗流夜郎又有朝士陳剛中三山寓公張仲宗亦以作啓與詞爲餞俱得罪時論躓之

許份在監書庫謂所親曰可以博觀書史且獲與太學豪俊遊初舉

試禮部報聞遂閉戶讀書雖飲食之間至大寒暑疾病不置也崇甯初登甲科上初試策賜對時份父文定執政固辭上曰卿有嫌乎乃令甲科進士皆召對份在南陽時嘗禱雪未獲憂甚夜夢使者告雪已至而家人夢亦然且開戶而雪已渥矣其精誠所感如此份每上殿論時政言得失多忤時相意上稱善而用事者極力排詆上曰許將之子賢能世其家朕深知之以故讒不行然用事者益切齒焉份素渾厚端恪與人交曲盡情理燕居未嘗見惰容僕妾御卒皆拊以恩意遇賓客周匱急惟恐不至維揚舟車孔道謁請相屬公帑不繼則具家庖捐私橐不靳也文定貴且久公亦少達家饒於貲坐是無餘寇難以來田宅掃地而食客無虛日家

居怡怡子姪侍側有萬石君之風

朱文公避僞學禁入福州名山勝蹟杖履殆遍鼓山方山烏石鳳邱諸處皆有題刻至今存焉郡從學者甚衆黃幹林謦用中允中學蒙學履夔孫師魯大春憲卿劉砥劉礪潘植柄程若中余偶蔣康國陳枏孔碩孔夙曾逢震鄭文遜性之昭先皆其著者也熹登第五十年仕於外僅九考立朝纔四十日踪跡在閩日居多事詳宋史

黃直卿與李傳道書曰向來同學之士今凋零殆盡閩中則潘謙之楊志仁林正卿林子武李守約李公晦江西則甘吉父黃去思張元德江東則李敬子胡伯諒蔡元思浙中則葉味道潘子善黃子

洪大約不過此數人年來得尊兄並太守陳寺丞相與接續尤覺此道之不孤也

林學蒙與弟學履俱遊於朱文公之門與黃幹同學考之郡志列在儒林省志載在人物洵可謂閩清之卓卓者矣今查鄉賢中尙遺此二人似屬缺典乾隆七年知縣姚循義因纂輯邑志考訂及此不勝悒悒擬欲詳明各憲置主送入祠內以光俎豆適屆瓜期遂不果後卒補祀

黃琮於宋淳熙間爲閩清令時方興道藏安撫黃裳檄令十二縣分歛民錢各數百萬琮獨不應止捐已俸四月輸之民幸不爲擾因思明萬歷間稅璫橫虐名郡官民震恐今觀郡志紀災異特書曰

萬曆二十七年督礦稅太監高宥入閩卽此春秋一筆其流毒可知矣時常州沈湛源爲汀州知府剛勁果決聞宥至大書榜示自汀達會城曰稅監高宥將入海從倭抵汀境太守當領吏民擊殺之宥聞縮舌由遠道遁去汀故獨不蒙害可見居官須有風力百姓方能受福也

蕭磐知梧州軍時一日值風濤之險遙見江滸有廟默禱之俄見雲霧中立有三人皆紫袍金帶風遂息磐登岸拜廟下見有神三尊卽在雲霧中立者曰威應將軍靈應將軍感應將軍因錄其封爵圖其像以歸祀於所居主山之後曰武功廟

宋大中祥符二年遣使取占城稻種湘山野錄云宋眞宗以福建田

多高仰聞占城稻耐旱遣使求其種得一十石以遺其民使蒔之八郡皆有今閩清所云八月占霜降占者卽此種也

褚誠叔嘗爲福州閩清尉獲盜應格當得京官不忍以人死爲己利辭不就至今在選調又有爲他邑尉者亦獲盜營賞甚力卒得京官將解去入郡過刑人處輒掩目大呼數日神志方定後至他郡見通衢有石幢問此何爲從者曰此法場也亦駭叫呼幾墜車自此所至皆迂道以避刑人之地人之不可有愧於心如此

明永樂間邑有張氏者乃池姓婦也遭家難伶仃孤苦撫姪尙義生纔數月伯姒俱故時有義男希灝欺其幼弱冒主姓強橫盡霸其產氏百計保護俟其成立及尙義年十六乃令赴闕訟冤詔下有

司核實置希灑於法卒恢復前業蓋皆張氏之力云
閩清縣去江不過三里適當延建邵汀四郡各溪之下流每遇溪水暴漲則城垣衙署宛在水中小船直達城內甚可危懼未嘗不嘆創始者之經畫未善也至城中地勢前俯後仰一當大雨之後則通城之水皆由宣政門出儼若溝渠不知當日何以並未計及不預留一水道殊不可解

邑治半傍山半傍水舊惟臨江築有土寨於南面隘口蓋一舖樓歷數百年來民甚殷富煙戶數千後改造城垣雖守禦無虞但中街一帶被城截斷未免太嫌迫促若得官民協力改闢仍照舊址將城垣開拓則體勢寬大守禦固而民居繁盛矣

閩清由溪口入舊路皆在左因隔一江於較場邊造一浮橋以通往來今龍江山下梅溪坪上馬路舊址猶存所以地雖隔江亦爲負郭與縣治相接民居稠密自浮橋廢路改於昭顯廟前而隔江居民盡移他所今不逮昔可慨也已

清順治十七年邑令姜良性造城舊記載有僉謀防將呼有功學博王麒生學副王師臣捐資鄉紳姚兆禎黃登隆羅綺陰陽官錢一增哨官劉芳箴義民官王日新貢生池日懋毛高飛生員張純禮姚昂張德嘉林維城范堯天段尙寵池殿邦姚兆龍俞林標池日昕林維垣劉兆賢池一螭林陳言林天植詹伯果張子高池興邦鄭文杰劉若仁姚冠英劉禹謝英倪德星陳玉振劉斌林天玉張

大斌黃鳳儀王兆鼎林球劉鐸民林士衡謝聖詔王尙信林一照
陳順純陳應選吳可蔚潘起豸鄭鼎姚士美陳志明鄭崇向林鼎
羅應松劉士達林文正楊有楷嚴士衡王宗臣張士善劉家驥陳
繼昌林國昌周朝亮陳珽羅以郁吳恆言吳兆相陳萬有毛士俊
劉酉奎吳廷臣蔡陞鎬湯國盛謝邦聰林成茂林遇春王嘗邱有
阜許朝奎汪天祐周冕鄭世居徐廷訓楊開春黃家英范夢達鄧
洪曜王有慶鄭繼祖鄭洪啓盧天錫邱廷貴林儀鳳王士章陳繼
祚督工保正劉士選吳瑞基吳廷歡郭廷宣謝兆魁周朝鼎許春
捷王朝彥林士元陳順芝葉維森吳源方應聘池生虬張士章林
長嘉詹應魁鄭應積張志督理城工章華等諸人今不忍湮沒仍

附載姓名於此

許樾字大枝生平好行善事妻早卒年五十八未有似續其女適下
杭鄉池某樾在婿家已數年矣一日修路得銀一甕秘不言欲與
女以資養老午飯時外孫呼公公喫飯樾應之外孫曰我叫我公
公非呼爾也樾嘆曰外孫如此豈可依託終身哉遂携銀不辭女
歸六月初一日鄉例家家各備蔬菜上奇特巖祀仙樾到下洋圳
遇見兩團魚交尾卽携歸養之故遲遲到巖族中兄弟問其何故
濡滯樾以外孫語並見團魚事一一告之衆勸其續娶樾隨往永
泰長坑地方託買母彘而訪覓姻事適見一女子在溪旁浣衣樾
詢有母彘售賣否答云只有人母未有母彘並詢以六十年穀種

能否發生答云果能善自保存定可萌芽結實樾卽娶此女爲繼室六十二歲生一女六十四歲生一子名肖軒年甫四齡樾卒今樾子孫在三都甚昌盛焉

邑九都三甲地方張章二姓爲該鄉大族乾隆中有痲瘋惡丐以人命塗詐該鄉人被誣下獄家產爲之蕩然有張章二秀才慨然曰是吾責也銳身赴長官申理乃得昭雪並請立碑示禁不准痲瘋惡丐擅至其地鄉人至今德之

邑六都玉阪耆民劉章豪娶蘇氏遷居十四都石井鄉生九男長景渠次世九三世惠四世爵五世修六世浩七世郁八世熹九世全兄弟甚友愛均業農壽皆七十以上一堂皓首怡怡如也撫軍給

匾獎之曰九老堂後長兄先卒餘亦以次前後謝世耆壽萃於昆弟亦罕見之事也

林祥清邑人體質雄偉年八十六猶能耕種田園自食其力生九男厥後五代同堂子孫共九十六人清惟點頷而已亦佳話也

閩清有清中葉塗詐人命之風甚熾富戶因之破家者不少蓋一經告發無論人命真假縣官必隨帶差役百餘人親蒞檢驗有所謂開班禮者有所謂差承禮者有所謂搭台禮者多則千餘金少亦數百金方敷開發且也索酒索肉必滿其慾而後已是以民間遇塗詐之事寧出巨金求息免受官擾邑九都山邊村林姓稍有家產七年之中被人塗詐數次一日六都紳士劉炳字元藻鄉賢劉

祖憲之季父也因收租主其家適有棍徒舁一死丐至門塗詐藻急遣健者數人將屍抬至縣署代請檢驗吏不敢阻及驗毫無傷痕棍徒懼罪逃匿遂得無事後山邊村永無塗詐之禍皆藻之力也

邑十四都自明季慘遭尤匪糟躪後所有居民半多遷徙惟檉峰黃雲際張兩姓以及壙坑大墩墩溪頭林姓上演謝氏霞溪俞姓最爲發達此就舊居之民言之他如清初新遷之三泰洋壩頭兩鄉攷舊志不載可知兩鄉實鮮民居今黃姓居三泰洋羅姓居壩頭鄉稽其人口均有二三百家與舊居之人其數相若其餘都中各族興衰繼絕類屬小姓實難悉數現在山上耕鑿者不少其人自

南洋新闢墾場後民多挈眷出洋近復遭匪禍西北一帶難以聚處田園荒廢廬舍一空誠有不堪觸目者

邑十四都本與十三都合併舊有上下十四都之稱東界十七都南界十五都西北界尤邑之十九十七兩都山深林密易於藏奸民國四年尤匪竊發都之檉峰雲際城門等鄉首受其害

邑十四都地僻山多墘面鄉舊有排塘一座安兵三名舁平日久鞠爲茂草亦經官產處變賣矣相傳明末尤匪竄入都中各鄉多被殺戮所得保全者僅各鄉之土堡而已民國四年以來都之西北一帶成爲匪窟每乘夤夜擄人勒贖甚而結隊呼羣白晝搶劫惟壩頭三泰洋壙坑墘面等鄉修築土堡暫禦匪患然離堡稍遠者

亦屢被蹂躪甚矣民生之塗炭也

邑十五都五代唐以前居民無可考宋則黃石村黃氏興焉元則官塘村趙氏興焉更有各村因順治甲午以後相繼九載遭尤寇郭子龍林忠張九仔等之亂焚殺橫行民多逃避只有田中村錢姓溪演村吳姓前阪村黃姓鶴汀村陳姓避迹山堡中猶有遺族存焉所以舊志未列之村甚多

邑七都平街地方週圍僅里許舊有小南台之稱蓋明季省中富室多寓此收租因之築屋暫住久之子孫遂家焉街之前後有十餘姓今皆式微其田產悉售於近鄉富戶

閩清農民之佃人田者每呼業主曰勢頭及收成之日農民則具雞

鴨奉業主謂之田牲現此風已革亦尙有一二存者相傳明季遼餉迫逼一年兩納民間有田者半多賤售於貴顯願爲之耕作故呼業主爲勢頭此其原因也

跋

閩清縣志修於清乾隆七年職其事者知縣姚公循義五閱月書成未嘗不嘆其編輯之敏捷焉計乾隆至今將二百年未有續修之者光緒中邑學博上官華蓋集紳士議之卒以費絀弗舉甚矣哉修志之難也民國三年湖南楊侯松年來宰閩清有志於興廢舉墜五年奉部令飭修邑乘楊侯曰是吾志也亦吾責也慨然出而任之於是籌款設局命瑞任纂修之役瑞學殖荒落蜷伏空山曷克肩茲盛舉顧念民國紀元以來老成凋謝官私之典籍半付祖龍邑志及今弗修過此以往當更見其難焉乃與協修諸君勉襄其事無如萑苻不靖道梗難行致採訪調查稽時報告經始於民國七年一月迄

民國八年十月草創甫就自知庸才短識不足語著作之林亦惟勤搜討慎去取以冀無遺無濫求副楊侯興廢舉墜之意而已夫邑志之關係於地方者甚鉅非僅以備鄉邦掌故也凡兵刑錢穀農田水利以及學校實業諸要政莫不悉載之以爲施治者之方針斯志成卽楊侯數年來在梅之治譜也昔姚令修志於乾隆時國家無事百姓樂業故爲時五閱月而竣事今楊侯修志於南北交訌匪氛猖獗之日亦僅閱二十有二月而竣事且二百年來歷任各邑宰所不敢爲所不能爲之事楊侯獨毅然爲之以底於成以視姚令其難易固奚如耶瑞獲與是役荷有榮施因誌數語於後

中華民國八年歲次己未十月既望修志局纂修邑人劉訓瑞謹跋

